



Diarazon Oktober 14 2015 -Edicion-8 Vol.194971 Sta.Cruz #110  
Tel: 585-9500 Fax:585-0951 - E-mail: solodipueblo@gmail.com

1.50

URATAKA CENTER

Special di awe:

Aroz Con Pollo, Galiña,  
Salada & Banana

Fl.10.0

Tel: 585-5212



Tuyo Werleman di SVGA, Scol Bibito Pin:

## GOBIERNO NO KIER PAGA EMPLEADONAN DI E FUNDACION NAN ACOSUMBRADO “ENVELOP” DI 25 Y 30 AÑA!

Empleadonan di Fundacion SVGA a pone trabao plat diamars mainta

## Fondo di maleza di SVb ta bancarota

Lo bay aumenta prima di  
seguro di maleza di SVb pa tur  
comerciante



Parkeerwachters a pone klem  
hasta pa auto cu ta paga pa luna



## MEP TA CLA PA YUDABO CU BO FORMULARIO DI INKOMSTENBELASTING 2014

Jenifer Reyes kier lanta comision pa trece  
studiantenan Arubano na Hulanda bek Aruba

Daquin cobrando 5 mil pa  
luna cu Diploma di Haiti  
lo bira presidente di e  
comision ?

Citgo haciendo cierto  
testnan na refineria...

**Preparacion  
pa core test  
riba “hydrogen  
plant” pa midi  
presion**

Fraccion MEP Aruba  
MEP ta alerta:

**Dwangschrift  
di belasting  
saliendo pa  
loco**

Medida # 2 di CAFT

PARTIDO MEP:

**PRESUPUESTO 2016 NO  
A YEGA PARLAMENTO  
AINDA, GOBIERNO TA  
LAAT ATROBE!**

**Antisocial a ranca tas  
di señora na Seaport**



## Sucesos:

### Antisocial a ranca tas di señora na Seaport



Dialuna anochi algo prome cu 10:30 polis a bay den area di Bestuurskantoor pa un persona, bisti na preto, cu scondi den e matanan ey dilanti. Un rato despues a bira conoci cu aparentemente e mesun

homer aki a ranca tas di un señora. Polis a tira bista rond, pero no a logra haya e homer bisti full nan preto. Polis a topa cu e señora dilanti di Seaport Casino y asina a tuma tur datos.

### Chauffeur a desvia pa un auto cu a sali su dilanti

### Chauffeur a perde control y a bay dal riba algun cadushi

Diadomingo madruga a drenta informe di un accidente na Paradera. Mesora a dirigi un patrulla pa e sitio. Na yegada di patrulla, nan a compronde cu ta trata di un accidente unda e chauffeur bayendo pa direccion pariba, a desvia pa un auto cu a sali su dilanti y el a perde control y bay dal den un poco di cadushi. Afortunadamente ningun hende a resulta herida.



## TA HUUR/ SE ALQUILA



**Un tienda situa na Sta. Cruz, riba caminda principal.**

**Bon pa un computer repair shop, celular repair shop of cualke tienda chikito.**

**Pa info: 739-0101**



## Fondo di maleza di SVb ta bancarota

Lo bay aumenta prima di seguro di maleza di SVb pa tur comerciante

Director di SVb, sr. Edwin Jacobs, a declara na Solo di Pueblo, cu e fondo di maleza di SVb ta practicamente bancarota. E fondo no tin placa y den transcurso di aña e fondo a fia placa cerca otro fondonan y awor no por sigui den e situacion aki. Segun e director di SVb, el a bishita parlamento di Aruba cu varios proposicion. Un di e solucionnan ta pa reduci e pago di "ao-dagen" na 70%, envez di 80%, manera cu e ta awor.

Of tambe subi e prima cu e doñonan di trabao ta paga. E doñonan di trabao ta pagando actualmente 2.6% y esaki lo mester subi

drasticamente mas halto pa asina por trece un alivio na e fondo di maleza.

Gobierno di Aruba ta carga responsabilidad pa e fondo aki, unda cu Gobierno ta e "backup" si encaso cu e fondo aki draai malo. Pesey mes esaki lo bay afecta e begroting di pais Aruba.

E fondo di Maleza ta regarda tur ciudadano cu ta empleado na un compania priva, pa cual ora nan bira malo, despues di e prome 3 dianan, e fondo aki lo cubri nan salario pa 80%, cual ta wordo yama e ziektegeld.

## Persona sin bida haya na Seroe Pita



Diamars anochi den careda di 9'or polis y ambulance a bay un adres na Seroe Pita pa un persona sin bida den baño. A pidi brandweer na prome instante pero na su yegada esey no tabata necesario

mas, pasobra ya e porta tabata habri. Na e sitio nos por a waak dos ambulance. Dokter Gonzales ta esun cu mester a yega pa asina constata morto. Forza na famia di e fayecido.

Citgo haciendo cierto testnan na refinaria...

## Preparacion pa core test riba "hydrogen plant" pa midi presion

Informacion cu a yega na Solo di Pueblo ta muestra cu Citgo lo a pidi Valero pa nan start e "hydrogen plant" pa asina por core algun test pa midi presion di e aparato aki.

Ta ser bisa cu esaki ta e curazon principal di e refinaria y ta un pida hopi importante pa haya sa su condicion. Trabaonan ta

andando riba e planta aki, pa asina e por core algun test pa asina e personanan di Citgo por haci nan analisis.

Manera cu ta conoci, CITGO lo tin te cu dia 30 di November pa asina expresa un confirmacion di interes, pa asina por hiba e conversacionnan na un proximo paso.

Re-apertura di e refinaria lo significa un yudanza enorme pa Aruba! Ta di aprecia grandemente e presion cu MEP a pone pa logra un re apertura, pasobra Partido AVP a confirma cu ya caba nan a firma desmantelacion cu Valero y ta door di e presion di MEP cu awe ta mirando luz na horizonte pa nos pueblo.

Fuentenan di polis a laga sa:

## Hopi chauffeur ta core auto burachi

Trend di bebemento ta subiendo di dialuna pa dialuna

Un fuente policial a laga sa cu e cifranan di chauffeurnan cu ta core auto burachi ta alarmante. Por nota un subida di e cifranan unda polis ta duna boet, pero no ta yuda, pasobra ta bolbe gara e mes chauffeur atrobe burachi tras di stuur.

Segun e fuente policial, cu e asunto aki ta basta alarmante, pasobra si antes tabata bebe den weekend, awor por nota cu e bebemento ta cumenza riba dialuna y ta sigui te cu dialuna. E fuente policial a bisa cu awor mes ta asina

y si no bini un stop na bebemento, of si no baha man na bebemento, lo no por descarta tragedianan den temporada di fin di aña.

E asunto di kita rijbewijs di e chauffeurnan burachi no ta yuda, pasobra nan lo sigui core auto toch.

## Cambio den prijs di productonan petrolero

Entrante 14 di Oktober 2015 e prijsnan di venta di productonan petrolero lo cambia. Esaki ta conta pa gasolin, diesel y kerosin.

Minister di Asuntonan Economico, Comunicacion, Energia y Ambiental ta informa cu a surgi un cambio den prijs di productonan petrolero entrante 14 di Oktober 2015. E prijs di benta pa comercio por menor ta como lo siguiente:

Gasoline unleaded-premium	: 168,2 cent p/ltr. (- 14,2 cent)
Diesel LS	: 139,5 cent p/ltr. (- 0,9 cent)
Kerosin	: 127,3 cent p/ltr. (- 0,2 cent)

E prijsnan ariba menciona ta inclui BBO/AZV

# PUEBLO A HAÑA SU PEN BEK

Pa kualkier informacion  
solodipueblo@gmail.com  
of  
585-9500



## Appel di Oro cu un acogida tremendo

# “Educacion no ta un preparacion pa bida; educacion ta bida mes”.

Den e cuadro di celebracion di luna di Oktober como Luna di Enseñanza, Ministerio di Enseñansa hunto cu Departamento di Enseñanza Aruba a organiza un reconocimiento mas amplio pa personanan cu ta destaca den e area di Enseñanza y ta reconece excelencia den Enseñanza den su totalidad.

Appel di Oro tabata habri pa participacion di tur school di enseñanza primario, secundario, special y superior reglamenta na Aruba. Cu e Premio Nacional di Excelencia den Enseñansa lo duna reconocimiento den e categorianan di: Maestro, Cabezante/Director/Rector, Actor di sosten (mentor, Intern Begeleider (IB), Proyecto den scol, Lifetime Achievement Award, Newcomer Award

Remedial Teacher (RT), Prisma leerkracht, Begeleidingsleerkracht of Klassenassistent). Henter comunidad: alumno, estudiante, mayor, coleganan maestro y/of cabezante di school, tabata tin e oportunidad pa nomina un Maestro, Cabezante/Director/Rector, Actor di Sosten y Scol. Mester menciona cu un cantidad grandi di hende a tuma e oportunidad aki tur cu tin! E acogida pa cu e premio aki ta tremendo. No menos cu 135 formulario di nominacion a wordo yena y entrega.

special unda lo anuncia e ganadornan di e premio Appel di Oro. Ministerio di Enseñanza y Departamento di

Enseñanza Aruba ta super contento cu e cantidad di nominacionnan y kier a yama comunidad danki pa e acogida

positivo pa cu un premio asina bunita. Registra pa Noticiero EA na [www.ea.aw](http://www.ea.aw) y sigui "Enseñansa Aruba | Education Aruba"

riba Facebook of Twitter pa keda na altura di e proyecto aki y otro informacion relaciona cu Enseñanza na Aruba.

## Curcumin E ingrediente milagroso di Turmeric

E mata di Turmeric ta hopi conoci na India. Su reis ta wordo cosecha, limpia, seca y traha den un puero y ta wordo uza pa specerij (Turmeric ta loke ta duna curry su bunita colo geel oro) y manera remedi. Ademas di su uzo pa duna cuminda smaak ta uza Turmeric pa trata diferente condicion manera dolor di djente, gas na stoma, dolor de pecho y problemanan di menstruacion. Investigacion a descubri cu e beneficianan di Turmeric ta bin di un ingrediente yama Curcumin.

### BENEFICIONAN PROBA

Curcumin ta un antioxidante, anti-inflamatorio, antiviral, antibacterial y un anti-fungico potente y a prueba di tin diferente beneficio incluyendo reduccion de diferente sintoma di diferente malesa manera cancer, malesa di curason, bronkitis y asma, depresion, Alzheimer, Artritis y artrosis, diabetes, leukemia, cirrosis, psoriasis, herida y cansancio.

### ANTI-INFLAMATORIO

Un di e motibo nan cu Curcumin ta asina efectivo pa yuda cu e sintoma nan di asina hopi diferente enfermedad ta pa motibo cu e ta un anti-inflamatorio natural poderoso. Casi tur malesa cronico - diabetes, malesa di curason, artritis, Alzheimer - tin algo en comun: inflamacion destructivo. Pa motibo cu Curcumin ta un anti-inflamatorio natural poderoso e ta yuda cu e sintoma nan di masha hopi malesa.

### ANTI-OXIDANTE POTENTE

Nos curpa ta crea "Free Radicals" cu ta causa cu nos ta bira bieu. "Free Radicals" ta molecule cu falta un electron. Door di e falta di e electron aki e ta destabilisa otro molecule den e curpa door di horta electron di otro molecule cual ta crea mas "Free Radicals".

E situacion aki ta causa formacion di cadena di "Free Radicals" yama "Free Radical Cascade" y por resulta den dañonan celular "oxidacion stress". "Oxidacion stress" ta causa inflamacion y malesanan cronico manera cancer. "Free Radicals" por afecta tur e sistema nan di e curpa humano incluyendo e sistema inmunologico. Curcumin ta yuda evita "Free Radical Cascades" y tin un capacidad extraordinario pa neutralisa "Free Radicals". Un extracto di Curcumin prepara den un forma special tin un balor antioxidante mucho mas halto cu blueberries (6,552x), strawberries (3,577x) of chuculati (40,200x). Curcumin ta un tremendo anti-inflamatorio y antioxidante cu ta e splicacion pakico e tin un efecto asina positivo.

### CURCUMIN Y CANCER

Nos curpa tin un capacidad natural pa bringa cancer door di tin genen cu ta traha pa combati tumor. Sin embargo, mas bieu nos bira, nos medio ambiente y nos manera di biba por stroba genen di traha cu ta causa cu cancer por crece. Investigacion a descubri cu e manera cu


Curcumin ta bringa cancer ta door cu e ta reactiva e genen drumi y permiti nan di cuminsa traha bek y bringa e cancer. A ser prueba cu Curcumin ta preveni cancer, ta stop su progreso y ta stop e cambio nan den cel cu ta evita cu nan ta bira canceroso, e ta stop e generacion di cel nan canceroso (formacion di tumor), y ta stop e cel nan canceroso di move pa otro parti di e curpa. Estudio nan publica ariba con Curcumin ta impacta e actividad di cancer ta indica cu e ta yuda suprimi cancer di pecho, prostata, nier, cuero, tripa y pulmon. Hasta a wordo demostra cu Curcumin ta aumenta e efectividad di e remedinan contra cancer y ta baha e resistencia na remedinan di cancer tambe (cual kiermen cu e ta yuda e remedinan contra cancer pa traha miho).

### BCM-95®

Solamente 2 pa 5% di Curcumin ta wordo absorba door di nos curpa y pa bo haya 100 mg de Curcumin bo tin cu bebe 2000 mg de Turmeric. Haciendo e situacion ainda mas complica ta cu nos curpa no ta absorbe mucho bon y door di esey e no ta keda den nos sistema suficiente largo pa haci un impacto. E Curcumin cu ta miho y ta wordo miho absorbe ta Curcumin cu ta microniza y mescla cu zeta di Curcumin cu ta wordo absorba te cu 10 biaha mas y ta permiti cu e ta keda den e sanger na un nivel significativo mas largo. Terry Naturally su CuraMed ta contene Curcumin di super absorcion microniza patenta cu yama BCM-95®, cu ta proporciona e forma mas puro di Curcumin y por ta te hasta 10 biaha mas fuerte cu otro tiponan di Curcumin. Estudionan clinico publica a demostra cu BCM-95® ta brinda e Curcumin efectivo, consistente y duradero.

Aunke cu Curcumin ta wordo considera generalmente safe si bo ta bebe cualkier remedi of si bo ta na estado semper ta bon pa bo check cu bo dokter prome cu bo bebe cualkier suplemento.

Productonan di Terry Naturally ta obtenibel exclusivamente na Nature's Discount.



**Nature's Discount®**  
NUTRITION CENTER

Palm Beach 6D - T: 586- 0776  
Seroe Blanco 19 - T: 588-5380  
Pos Chikito 100A - T: 584-0336

[nature@bosalud.com](mailto:nature@bosalud.com)  
Nature's Discount Aruba

Dia 30 di Oktober lo clausura Luna di Enseñanza cu un evento



Jenifer Reyes kier lanta comision pa trece studiantenan Arubano na Hulanda bek Aruba

## Daquin cobrando 5 mil pa luna cu Diploma di Haiti lo bira presidente di e comision ?

Parlamentario Jenifer Reyes ta papia basta disparate den e ultimo dianan tras di lomba. E parlamentario di AVP ta keha cu studiantenan di Aruba na Hulanda no ta bolbiendo y mester lanta comision pa asina atende e astuno aki pa nan por bolbe bek y bin traha na Aruba.

Sinembargo, te propio Gobierno di Jenifer, ta parti contract pa hendenan sin diploma y ta regala nan schat di placa. Nos ta referi aki na e contract di Daquin. Daquin ta cobrando casi 5 mil florin pa luna! Nunca el'a studia. Casi por bisa cu e no tin diploma. Pero unicamente cu e ta un chupado di AVP, ela wordo duna un lollipop di contract.

Dicon Jenifer no ta haci Daquin e presidente di e comision aki? Tambe ta asina cu Gobierno tin pata pata di pensionado cu ta cobrando salario plus 25%. Acaso cu e pensioen cu nan tin di 70% no ta suficiente? Ainda nan no kier bay sosega na cas, lanta nan mes negoshi? Pero ta prefera di chupa salario na Gobierno? Dje forma aki nunca nos studiantenan ta haya chens pa bolbe Aruba. Jennifer mester stop di haci propaganda barata y kere cu nos lo dune cualkier elogio!

E mes ta un cu ta sostene AVP! E mes ta sostene bagamunderia! Wel, awe e no por bin keha di e situacion aki. Asina tin un fotografo cu ta cobra 6

mil pa luna kende tambe ta pensiona! Tambe tin un locutor latino cu a haya un trabao pa 8 mil florin pa luna, unda cu esaki no a ni sikiera termina school basico ni na Aruba y ni na Sto Domingo.

Pues, Jenifer Reyes ta realiza con su Partido AVP ta demoraliza nos pueblo y nos studiantenan? Bo mester ta "CHUPADO POLITICO" pa haya trabao cu salario halto! Jenifer Reyes a pone nos corda riba e cabay blauw, pero esun cu tin su cara troce hinca mey mey su pia! Pasobra ta parce cu e sa bon bon, pero no kier admiti e fayoy e culpa di AVP cu studiantenan no ta bolbe bek Aruba.!

### Fraccion MEP Aruba

#### MEP ta alerta:

## Dwangschrift di belasting saliendo pa loco

#### Medida # 2 di CAFT



Den conferencia di prensa di MEP, a elabora riba e tantisimo dwangschrift cu departamento di belasting ta repartiendo. MEP a

enfatisa cu durante nan bishitanan den bario, a topa tur biaha cu por lo menos 5 caso di cobranza cu a caduca. Famianan ta

hayando hopi cobranza di belasting. Algo riba su mes hopi preocupante, pasobra ya caba hopi di nan no por cubri gastonan mensual, varios tin debe atrasa di awa y coriente, y algun te hasta no tin coriente. Anto awor ta worde confronta cu cobranzan di belasting. Ta specialmente di mira nos grandinan lucha cu e problemanan cu belasting. MEP kier alerta tur hende riba un desaroyo preocupante: hopi cobranza a caduca caba y no mester wordo paga. Esaki por scapa bo hopi placa, si bo djis paga tino. Kico bo mester haci? Verifica e fecha di e cobranza (dagtekening), y si desde e fecha ey 5 aña a pasa, e posibilidad ta grandi cu e debe a caduca. Solamente si desde e fecha di e cobranza e departamento a tuma accion pa cobra e suma, a manda dwangschrift of a pone beslag, ta pone cu e debe no a caduca.

MEP a topa varios caso di debenan a caduca, pero toch ta manda dwangschrift.



Esey ta pasobra gobierno ta pone un presion enorme riba e departamento pa cobra. No lubida cu gobierno di AVP a priminti CFT cu nan lo cobra 81 miyon Florin e aña aki cu cobranzan atrasa, y asina ta un forma. Pero e no ta husto.

#### Kico pa haci den caso cu e cobranza a caduca?

Den caso cu e cobranza

a caduca, bo mester manda un carta y avisa e departamento cu e debe a caduca, y cu bo lo no pague.

Si bo mester di ayudo cu traha carta, MEP ta semper dispuesto pa yuda. Acudi na Sede di MEP entrante otro siman pa haci un cita y mesora nan ta prepara e carta pa bo. Paga belasting ta deber di nos tur, pero no paga di mas! MEP kier introduci un sistema di belasting mas simpel, pero mas cu tur: mas husto. E maneho di gobierno di AVP aki no ta husto, Aruba merece mihor, mucho mihor



# Chauffeur na soño den su auto para mey mey di caminda den Schotlandstraat



Diadomingo mainta a drenta informe di un auto para mey mey di caminda den Schotlandstraat. Informa a bisa cu e chauffeur ta drumi den e auto. Mesora a dirigi patruya pa e sitio. Na yegada di patruya, nan a

bin topa cu e vehiculo y a haya e chauffeur ainda den e auto na soño. Polis a lanta e chauffeur y a nota cu e auto no ta start. Nan hunto a pusha e auto y a par'e na banda mientras e chauffeur a yama un familiar pa bin busk'e.

# Parkeerwachters a pone klem hasta pa auto cu ta paga pa luna

## Dama mester a busca su yiu pero nan a klem su auto

E asunto di parkeermeters y parkeerwachters ta bayendo for di man.

E parkeerwachtersnan ta asina bruha cu ta klem te hasta auto di un dama cu ta un di e promenan pa paga pa luna adelanta pa parkeer den vaknan geel. Awor e dama a ser perhudica pasobra e mester bay durante su break pa busca su yiu di 2 aña y bolbe bek na trabao.

Antoeparkeerwachtersnan a tuma tur nan tempo pa bini cu e yabi pa kita e klem cu inhustamente nan mes a pone. Mey ora nos colaborador a keda draai rond den e area warda waak ki ora nan ta bin los e klem cu nan a pone. **ABUSO!** Esaki nos ta yama traha irresponsablemente.





LIDER DI MEP, MR. EVELYN WEVER-CROES:

## MEP TA CLA PA YUDABO CU BO FORMULARIO DI INKOMSTENBELASTING 2014

Lider di MEP, mr. Evelyn Wever-Croes a anuncia cu otro siman na sede di MEP nan lo cuminsa cu e campaña pa yuda bo cu bo formulario di belasting. E fecha y orario lo wordo anuncia ainda. Ta importante pa bo cuminsa busca tur bo formularionan, esta comprobante di entrada y di gastonan cu bo por deduci, manera interes di banco. Ta bon tambe pa bo tene cuenta cu e siguiente consehonan:

Yiu ta studia den exterior : Den caso cu bo tin yiu ta studia den exterior,

bo mester trece un comprobante cu e yiu ta inscribi na un universidad den exterior, y e gastonan cu abo mes a cubri pe.

Gasto di notario: Den caso cu bo a cera un hipoteca den aña 2013, of bo a refinancia bo hipoteca, bo por deduci e gastonan di notario. Den e casonan aki bo mester trece copia di e recibo di notario. Si bo a compra un propiedad, e gastonan ey di notario no por wordo declara.

Seguro di bida: Gobierno a



cambia e ley y actualmente solamente por wordo

deduci prima di seguro di bida cu ta acopla na un pensioen. Pues seguro di bida cu ta pagabo un suma na final, ya no por deduci e primanan mas.


“Pa ami y mi team ta un placer pa un biaha mas por brinda e ayudo aki na tur cu mester di ayudo. Paga belasting ta un deber di nos tur, pero no paga belasting dimas si. Evita di paga di mas belasting y di paga boet door di yena bo formulario corectamente y entregue na tempo” segun mr. Evelyn Wever-Croes.

Tuyo Werleman di SVGA, Scol Bibito Pin:

## Gobierno no kier paga empleadonan di e fundacion nan acosumbrado “envelop” di 25 y 30 aña!

Empleadonan di Fundacion SVGA a pone trabao plat diamars mainta

Ta trata di trahadornan cu a cumpli 20 pa 30 aña den servicio, cu kier cobra nan gratificatie di biaha. Tin un sistema, esta gratificatie, gobierno a nenga di paga, pasobra cu gobierno ta bisa cu e empleadonan di fundacion no ta ambtenaar. A bay huez y huez a dicta sentencia cu e trahadornan di fundacion ta igual na ambtenaar. E tempo aya e grupo tabata chikito y gobierno a paga. Sinembargo awor tin un suma di 78211 florin. E caso di awe, ta cu tin 15 hende ta cumpli 25 of 30 aña den dienst. Esaki ta un suma di 65190 florin, caminda e fundacion ta bisa: Gobierno bo mester paga awor, pasobra e fundacion no por schiet voor e placa aki. Den pasado a schiet voor caba casi 90 mil y no por sigui schiet voor. E ultimo añanan, e subsidionan a cuminsa baha, a keda baha, baha



y ta bahando keto bay.

Dje forma aki e fundacion ta bay yega den problema. Tabata tin un reunion cu FTA, unda a papia cu Hubert Dirksz, caminda a informa nan cu tin un caso dilanti huez y

momento cu huez dicidi, sigur e empleadonan aki lo haya nan placa. Pa loke ta trata sr. Hubert Dirksz, e ta un persona trankilo. Sinembargo FTA a dicidi di tuma accion awe! Awe, tur miembro a bay pafor! y a

pone e fundacion plat. Busnan no por a sali awe pa busca e clientenan. E accion a haci cu no por a avisa e mayornan di antemano. Pues no por a comunica esaki na mayornan. FTA a mostra un mentalidad cu ta hopi despreciabel, cu bo por laga e cliente sin cuido! Ta trata di clientenan di rolstoel, etc. y ta haci un accion asina riba Bibito Pin.

Ta tuma na malo e actitud di FTA, cu no a tene na cuenta cu e derecho di persona, unda aki no a respeta e derecho riba cuido di e personanan aki. Sr. Tuyo Werleman a bisa, cu bo no a traha

y lo no tin pago. Den e caso aki, e consecuencia lo ta bay pa FTA. Sr. Werleman a yama e presidente di FTA pa asina por a manda 50% di personal paden! Te cu 12'or di merdia, 100% a keda para pafor, ariba orden di FTA. E fundacion ta depende di subsidio di gobierno y gobierno ta paga salario di e empleadonan. Segun sr. Werleman ta splica, cu e no ta nada contento cu e accion aki, cual a perhudica e clientenan. FTA a perde prestigio aki! E unico cos cu b'a logra ta perde prestigio! No a logra nada positivo cu e asunto aki.

**PUEBLO A HAÑA SU PEN BEK**

Pa kualkier informacion  
solodipueblo@gmail.com  
of  
☎ 585-9500



## Happy b'day pa Isamae Solognier

Hiep hiep hoera awe e trafico ta bay ta na peliger!  
Boso hala un banda. Awe a cumpli su sweet 18

## Isamae Solognier



**Pabien ta bin di mami Daniela, papi Beto y pachi y dudu, di parti Geramin, Sulaika y su prins Jermaine y princess Kaylee Ann y Richeline. Omo- y tantanan y henter famia Tromp, Solognier.goza bo dia awe.pp**

## Happy Birthday na Miss Teen Internacional 2014- Prinses las Americas 2015

## Isamae Solognier

**Awe 14 Oktober e prinses di cas ta cumpli un aña mas di bida.**

**AWE ta haya palabra di pabien di party su mom Daniela, su Dad Alberto y su rumannan, wela y welonan, su amigo- y amiganan y di su klas na Colegio Arubano y demas famia Dolognier y Tromp y di Solo di Pueblo.**



**Parlamentario di MEP, Chris Romero:**

## Nombracion di 3 Director pa WEB lo trece gasto extra pa nos pueblo

Algun dia atras Minister de Meza a declara na prensa cu e lo kier hiba WEB den direccion di un empresa cu tin 3 Director na mando. Pa ta mas specifico, Minister de Meza kier nombra un Director Operacional, un Director Financiero y un Director General pa dirigi WEB. E sistema aki ta uno cu sa keda implementa den empresanan grandi ora cu kier diversifica responsabilidad di cada Director.

Nos no tin nada contra pa bin cu un mihor structura di maneho na WEB, pasobra mirando e escandalo cu tabata tin rond di hedging, un maneho structura lo por a evita cu Aruba awe ta pagando sumanan astronomico na awa y coriente. Tumando e asunto di hedging como ehempel, ken lo bay carga responsabilidad di e parti aki? Nos tur ta de acuerdo cu no ta solamente sr. Oslin Boekhoudt ta responsabel, pero unda e Raad van Toezicht di WEB a keda? Unda e Raad van Toezicht di Utilities N.V a keda? Pero principalmente, unda e Minister encarga cu e cartera aki, cu ta sr. Mike de Meza, a keda? Pasobra na final di dia ta Minister de Meza ta e unico responsabel directo di e escandalo di hedging.


Si nos tuma e caso di e Director anterior di WEB como ehempel, cu a carga responsabilidad di e blunder di hedging, nos por saca afor cu su status laboral no ta conoci ainda. Y di esaki e pregunta ta bin dilanti: sr. Oslin Boekhoudt ta riba payroll di WEB ainda? Despues cu e Gobierno aki a conden'e, con por ta posibel cu ainda e ta riba



payroll? Of lo ta bon pa nos puntra directamente, ta ki informacion Oslin Boekhoudt tin cu e merece un trato preferencial for di Gobierno di AVP?

Si en caso cu di berdad sr. Oslin Boekhoudt ta riba payroll di WEB ainda, cobrando un salario di Director, e ora nos lo ta papiando di paga 4 salario di Director na WEB. Un otro gasto innecesario cu atrobe pueblo tin cu

paga p'e, banda di e gasto innecesario di e hedging. Un otro pregunta cu ta surgi den e caso aki tambe ta, cu si loke cu Minister de Meza ta bezig cun'e ta eigenlijk creando vacatura pa aloca simpatizantenan di su partido AVP. Mirando cu ta obvio cu e barco berde a cuminsa zink, desesperadamente ta creando cuponan di trabao pa aloca mas campañador posibel prome cu Gobierno cambia.





**Parlamentario di MEP, mr. Xiomara Maduro:**

## Envez di insisti pa bin un investigacion, ta recurri na shisheria y redashi pa troce e realidad

E ta conoci cu e reunion pa oficializa e supervision financiero di CFT na nos Pais no a bay sin problema. Un grupo grandi a asisti dilanti di Parlamento di Aruba pidiendo atencion di e Presidente di Parlamento y di henter Parlamento riba e entrega di e autonomia financiero di nos Pais y tambe e medidanan cu lo keda hancra den e Ley di CAFT cu lo afecta Pueblo di Aruba. Pero Presidente di Parlamento a ignora e peticion pa atende cu un grupo di manifestante y a consecuencia di esaki a bin escalacion na unda bentanan a wordo kibra y hasta tiro a cay dilanti di Parlamento. Kico a pasa exactamente dia 27 di Augustus 2015; ningun persona por bisa cu exactitud, ya cu te caminda nos sa, ningun investigacion a tuma lugar cu por comproba kico a pasa realmente.

Locual si nos a observa ta un monton di acusacion den direccion di e manifestantenan, presonan politico y ultimo aki un carta di lider di fraccion di AVP yena cu redashi y shisheria pa purba kima Lider y



Fraccion di MEP cerca e politiconan Hulandes, culpando nos di e sucedido di 27 Augustus 2015. Envez cu e lider di fraccion di AVP a muestra seriedad y insisti pa bin cu un investigacion riba e sucedido di 27 Augustus 2015, el'a baha na e nivel di recurri na shisheria y redashi pa troce e realidad segun e ta conveni AVP mas.

**Ta vigila post di**

### Facebook pero no ta waak film di tiro na Parlamento

E ta masha remarcabel cu e lider di fraccion di AVP por a skirbi un carta di 11 pagina dirigi na politiconan Hulandes, yena cu varios post di Facebook di Lider di MEP y no a inclui den e carta aki e potret di e filmacionnan di e tironan cu tabata sali for di e porta principal di Parlamento di Aruba dirigi riba e manifestantenan para

pafor. Ta con bin cu e lider di AVP no a tuma nota cu e informacion aki tambe ta circula riba Facebook? E pregunta ta, dicon e lider di fraccion di AVP no ta insisti pa investiga dicon a tira riba e Pueblo manifestante? Acaso esaki ta un realidad cu AVP no kier pa Hulanda y mundo waak y cuestiona?

### Investiga stunt politico orchestra pa Minister Eman, cu consentimiento di Presidente di Parlamento

Envez di haci redashi riba oposicion e lider di fraccion di AVP mester a cuestiona e stunt politico orchestra pa Minister Eman cu consentimiento di Presidente di Parlamento.

Ya cu ni un paar di ora despues cu a kibra bentana na Parlamento, ata diripiente a cuminsa verf e edificio completo di Parlamento, siendo cu e edificio no a wordo susha y no tabata tin ni un graffiti riba dje. Ta unda e destaho publico a keda pa e material y verf usa? Ta bon pa e

lider di fraccion di AVP splica dicon diripiente por a pone bentana nobo cu logo di shoco na entrada di Parlamento. Acaso Presidente di Parlamento tabata sa di antemano cu e glasnan lo wordo kibra? E ta remarcabel cu di biaha despues di e sucedido a circula potret di destruccion den Parlamento den prensa y Facebook. Pero si tiro tabata sali for di e porta principal di Parlamento ta con e manifestante mes por a drenta pa haci destruccion? Ta dicon e lider di AVP no ta insisti pa investiga si ta e coordinadornan di e Ministernan cu tabata tin e trappenhal y e cushina di Parlamento domina, mes ta esnan cu riba orden di nan Ministernan a ocasiona e destruccion den Parlamento? Pero ta bisto cu e lider di fraccion di AVP envez di insisti pa investiga e hechsanan aki cu ta muestra riba e stunt politico orchestra pa Minister Eman, cu consentimiento di Presidente di Parlamento, a prefera di recurri na shisheria y redashi pa troce e realidad di kico realmente a pasa dia 27 Augustus 2015.

**Mary Joan Foundation:**

## No enfrenta cancer di pecho bo so!

Ora e ta tende e palabra CANCER mi a nota cu hende no ta pone mucho atencion na dje, porta den nan pensamiento nan ta pensa: "Esey nunca lo pasa mi." Pero esey no semper ta asina...

Te ora e dia yega! Unda cu bo bida lo bolter boca abao, unda cu tur loke abo a pensa ta normal, ta cambia y bira miedo y desesperacion.

Nada no lo ta mescos mas; ansiedad y nerviosismo lo bira emocionnan di tur dia. Mi no sa, ni ta compronde loke ta pasando cu mi... Na pensamiento ta "Mi Yiunan y esnan cu mi stima, kico ta bay pasa cu nan?" Tur loke cu tabata importante y di valor awor no ta nada mas.

Efocus ta completamente riba Mi! Kico lo pasa cu

mi? Unda mi bay pa ricibi mas informacion y guia? Yama nos na Mary Joan Foundation (588-9999). No enfrente bo so; nos teiypa yuda bo y duna bo y bo famia e sosten. Mayoria di nos clientenan ta bisa mescos: "Mihor mi a yega cerca boso prome, lo mi a scapa mi mes hopi sufrimento." Mary Joan Foundation tey pa yuda bo!





Benny Nisbet di PPA:

## CRISIS FINANCIERO A AFECTA ARUBUS NV y CONSEQUENTEMENTE PUEBLO DI ARUBA..... cu COBRA PA PARKEER!!



Ora analiza e crisis financiero actual .... mester conclui cu mayoria MEDIDA ta consecuencia directo di e maneho fatal di ex - Ministro di Finanzas, Mike de Meza alias THE MESS. Asina tambe por conclui cu ARUBUS NV e compania pa transporte publico cu desde su fundacion ta wordo 'subsidiá' pa gobierno di Aruba awor a consecuencia di e crisis financiero NO ta worde financia mas.....pa cual gobierno a crea un ARU PARKING cu lo mester cobra pueblo pa parkeer y si tin ganashi un parti di djele lo bai pa ARUBUS NV y un parti aparentemente pa 'friends & family'. Den un entrevista interesante cu a sali den amigoe di Aruba fecha 12 di Oktober 2015 bao di e titulo 'Nieuwe bussen voor Arubus' basta mas informacion ta worde duna. 1. Cu Arubus NV lo ricibi 6 bus dentro di poco y como consecuencia di esaki lo tin AUMENTO di e suma cu pueblo ta paga pa transporte durante aña 2016 ( cu otro palabra..... OTRO MEDIDA na horizonte).

2. Otro consecuencia de esaki ta cu lo introduci paga pa 'parkeer' dilanti di e hotelnan tambe !! (a mata centro di Oranjestad, awor kier bay mata nos hotelnan/casionan tambe !!) PPA ta keda di opinion cu trahadornan den Centro di Oranjestad mester UNI cu pueblo pa manifesta contra e introduccion di e sistema di parkeer na Oranjestad cual sistema a worde introduci MEY MEY DI UN CRISIS FINANCIERO y como tal ta primi formalmente riba e 'budget familiar' di kada trahador y di pueblo di Aruba en general. PPA ta di opinion cu trahadornan di nos Hotelnan y Casinonan tambe mester prepara nan mes pa bai den accion contra e MEDIDANAN aki. CONCLUSION: Mester ta cu transporte publico na Aruba mescos cu transporte publico rond mundo ta un servicio cu ta wordo SUBSIDIA pa gobierno pa minimaliza e dolor aki pa pueblo y pa sostene nos economia. ARUBUS NV mester keda ricibi un subsidio pa su 'deficit anual' manera cu semper esaki tabata e caso... NO tin awa pa laba.... esaki ta un mester. Ningun ARUPARKING NI AUMENTO DI TARIFICA mester wordo acepta pa nos pueblo di Aruba. THE MESS mester carga e responsabilidad pa su maneho fatal y hunto cu ne su Ministro Presidente ... Mike Eman.... NO e pueblo cu NO a tira ningun paharo pero si ta haya e 'prijis' presenta !! Sans Rancunes

## La Quinta Beach Resort a organiza un Health Day Cu Bus di Salud presente



aki empleadonan di La Quinta Beach Resort a haya oportunidad di haya un checkup tuma personalmente door di e dokter di Bus di Salud. Aki depende di nan resultado a ricibi diferente tips pa biba un bida mas saludabel.

Prome siman di December dokter di Bus di Salud lo bin bishita La Quinta un biaha mas pa asina presenta e resultadonan y asina duna staff completo un recomendacion. Gerencia di La Quinta ta gradici Iraida Thijzen y Charlene Geerman di IBISA pa e tremendo cooperacion pa asina yuda realiza e proyecto aki. "Nos ta spera otro hotelnan como tambe companianan local tuma e iniciativa aki": Sra. Ika Arends a bisa. "Nos empleadonan ta traha 6 dia pa siman y riba nan dia liber nos no ta kere cu nan lo kier ta sinta na dokter. Pesey nos a trece e Bus di Salud cerca nan pa asina nan por haci nan checkup. Al final ta e empleado como tambe La Quinta ta beneficia di esaki". Banda di esaki La Quinta Beach Resort tin mucho mas planea pa su empleado nan como tambe pa nan guests pa asina yuda y stimula un bida mas saludabel. Pa keda altanto di informacion di La Quinta Beach Resort por bishita nos pagina [www.laquintaaruba.net](http://www.laquintaaruba.net)



## Opinion Publico

### E DJACA TA KEDA INSISTI.....

Keto bay e "djaca" di e fraccion di AVP, ta keda insisti cu e "KB" ta ilegal y cu oposicion ta haci politikeria cu e asunto aki. E rapport di Raad van State a wordo ampliamente discuti den Tweede Kamer y mayoria a para atras di e "volstrekt terechte ingreep" di gobierno Hulandes; hasta a existi di minister Plasterk pa bay mucho mas cu man duro riba e "handjevol helden op sokken" den gabinete Eman. En vez di ta gradicido pa cu e "KB", ya cu un "AMvR" lo tabata mucho mas desastroso pa nos pais, toch asina mes e "djaca" ta sigui bati su "gedrochtelijk snuitje" riba e asunto aki.

E "djaca" mester busca culpa cerca su mes pa cu e debacle financiero di nos pais y no purba benta culpa riba oposicion. Semper oposicion a vota contra e "gesjoemel" di e presupuesto y a lo largo CFT mes a duna oposicion tur razon den esaki.

Ta hustamente e dieztres parlamentario, cu ta sostiene e gobierno actual incondicionalmente, semper a vota manera un "kip zonder kop" na favor di e presupuestonan corruptivo e ultimo añanan. E politiconan Hulandes ya ta papia di "Surinaamse toestanden in Aruba". Cu un Eman na cabez no por spera otro, "het bloed krupt waar het niet gaan kan". Politiconan Hulandes ta sigui comenta: "Het is onbegrijpelijk, dat ondanks tientallen desastreuze rapporten dit niet tot aftreden van politici hebben geleid". De facto no por culpa e mandatarionan directamente pa cu esaki; e gran culpabel den henter e asunto aki ta nada menos cu Baba alias "rioolrat" himself hunto cu su 12 "nep parlementariërs". Si a traha drechi manera por spera di un bon parlamentario, Aruba no ta pasando den e miseria aki.

E "robottenstemgedrag" di e 13 "lammelingen" den parlamento pa cu e presupuestonan a crea un esfera di intimidacion, causando asina un temor grandi den comunidad pa cu e gobierno na mando. Dictadura a haci su entrada mahestuoso riba e "green carpet" den e ballroom di pueblo. Nunca Mieke a duna un solo splicacion pa cu e MEGA DEBE causa pa su propio gobierno, pero ta prefera sigui modela den su bunita "groen feetje" den exterior. Cu e gobierno actual na mando hopi politico Hulandes ta teme cu hamas Aruba lo sali for di su debe astronomico y cu a lo largo Hulanda mes lo keda responsabel pa e debenan aki.

Tur esaki pa motibo di e mentalidad mezquino di e partido berde: Semper ta focus riba interes di partido of propio interes y no riba interes general. Na otro banda por comprende e "netelige positie" di Babsje den parlamento, e pover no por mihor. E homber di "12 ambachten en 13 ongelukken" no tin mas oportunidad y tin cu keda un "kontelikker" pa resto di su carera profesional, sigurando asina un posicion den parlamento. Wow, how low can you go!

## Gerick Croes di MEP:

### Ignorancia, e ingrediente fatal pe desaroyo financiero negativo di nos pais



Tin biaha bo ta keda asombra di lesa tanto calumnia y insinuacionnan sin base den comunicado. Esaki ta pasa hopi biaha ora bo no tin argumento mas pa defende bo propio rol y accion como representante di pueblo den un desaroyo financiero negativo. Netamente esaki te caso di lider di fraccion AV, sr. Herde cu a dicidi di papia over ignorancia. Pero si kier papia di ignorancia mester cuminsa den su propio cas prome cu waak otro.

Ki ora berdad bo ta ignorante? Wel, e desaroyo financiero precario di nos pais no a yega caminda cu e ta cu arte di magia. Di mes cu no, esaki ta origina for di e promer añanan cu Gabinete Eman a tuma mando di noa pais ora cu

specificamente fraccion AVP durante tur e añanan cu a traspasa tabata basta ignorante ora ta trata finanzas publico di nos pais. Parlamento no a haci su trabao y ta pesey awendia nos ta bao supervision financiero acompaña cu yobida di medida. Tur esaki por a wordo evita si parlamentarionan di AVP a asumi nan responsabilidad.

Ta obvio cu e aprobacion di tur e presupuestonan for di 2010 te cu 2015 tabata un eror grandi den historia di Aruba. Ademas e ta bisa hopi di e 13 parlamentarionan cu ciegame a sostene cifranan cu tabata totalmente irrealistico y incompleto. E solo hecho cu na varios ocasion a cambia of surpasa e presupuestonan ta un muestra cu parlamentarionan no a cuestiona, studia y a haci nan trabao manera debe ser. E ignorancia ta bay asina leu y ne mesun momento bo por confirma incapacidad di parlamentarionan pa cu nan rol den e desaroyo financiero negativo di nos pais. Ta di lamenta cu fraccion AVP ta ignorante y nunca a controla gobierno sino a continua na sostene un maneho irresponsabel y deficiente sin pensa riba e consecuencianan grandi cu esaki por tin pa full un comunidad!


P a r l a m e n t o

## PUEBLO A HAÑA SU PEN BEK

Pa kualkier informacion  
solodipueblo@gmail.com  
of  
☎ 585-9500



## John Baer na Aruba pa entrega prome kalender Cops & Dogs Police K9 Calendar a dedica dos pagina na Aruba



Pa e di 10 aniversario di e kalender di teamnan K9 "Cops & Dogs", fotografo John Baer y e team di Cops & Dogs Police K9 Calendar a biaha pa Aruba pa un photoshoot cu miembronan di Cuerpo Policial y nan parternan canino. E resultado final ta dos potret impactante di miembronan di K9 Aruba cu scenarionan di nos isla den e kalender di aña 2016.

Richard Kramers, coordinador di e Unidad K9 di Cuerpo Policial Aruba, ta splica cu algun luna pasa el'a wordo acerca pa John Baer pa un photoshoot y a pesar cu e photoshoot no ta un garantia cu nan lo logra un lugar den kalender, nan a haci'e cu hopi gusto. E fotografo ta biaha varios parti di mundo pa saca e potretnan pa e kalender y e aña aki tabata prome biaha cu nan a bishita Aruba.

Na luna di Augustus Kramers a ricibi e bon noticia cu Aruba a ricibi no uno, pero dos "spot" den e kalender, esta Februari y November. Siman pasa, John Baer tabata na Aruba pa entrega un copia di e kalender na Alto Comisario Adolfo "Dolfi" Richardson y a laga algun kalender cu Richard Kramers pa clientenan na Aruba.

John Baer a splica cu henter e proceso a tuma mas of menos cuater ora y el'a saca potret di varios cacho cu diferente escenario. E fotografo a expresa su satisfaccion cu con e photoshoot a bay, con facil e tabata pa traha cu K9 Aruba y e opcionnan cu e tabata tin pa traha cune pa lora ta scenario. El'a menciona



cu particularmente e foto di Februari, unda cu por waak e bunita colornan, un boto y e lama, ta musta e bunita de Aruba tambe.


Baer a splica cu 2016 ta un milestone pa e kalender, y Cops & Dogs ta e unico kalender cu a sali 10 aña largo sin salta niun aña. E meta principal di e kalender ta pa recauda fondo pa cumpra materialnan pa e cachonan, pues e fondonan ta bay bek na bon uso pa e cachonan; e material principal ta "bullet proof vests". Cops and Dogs a traha den pasado cu entre otro Kevlar for Canines y Capital Canines, cu

ta organizacionnan cu ta provee vestnan antibala pa cachonan militar y di Polis.

Baer a agrega cu no tur ora unidadnan K9 ta ricibi e financiamiento cu nan mester y den hopi pais rond mundo por waak cu e agentenan policial si tin vest, pero e cachonan no y Cops & Dogs ta yuda den e adquisicion di e vestnan pa e cachonan. E kalender pa obtenibel via di Unidad K9 di Aruba, como tambe "online" via di [www.copsanddogs.com](http://www.copsanddogs.com). E proyecto tin tambe un pagina riba Facebook, esta Police K9 Calendar "Cops & Dogs".



# GOBIERNO MESTER STOP DI BULA PIPA Y ASUMI SU RESPONSABILIDAD



CAFT siman pasa a publica e rapport riba e presupuesto preliminar di 2016 di pais Aruba. CAFT ta yega na e conclusion cu e entradanan di gobierno ta mucho halto y e gastonan ta mucho abao. Cu esaki por conclui cu e conseho di CAFT riba e presupuesto 2016 di gobierno di Mike Eman a wordo desbarata.

Y ora bo pensa cu gobierno di Mike Eman a siña su les di aña pasa, bo ta mira net contrario. Pasobra en vez di carga nan responsabilidad, en vez di tuma e asunto aki na serio, gobierno di Mike Eman ta bagateliza e rapport di CAFT, y ta bisa cu loke CAFT ta bisa NO ta berdad.

Minister di Finanzas Bermudez a declara cu CAFT por conseha cuanto cu e kier, pero CAFT no por pidi nada! Sinembargo segun e ley di CAFT cu e propio Bermudez y partido AVP a manda parlamento, CAFT por pidi hasta un aanwijzing, un KB! Segun e ley ey mes, gobierno ta compromete su mes cu sigui e consehonan di CAFT, sino atrobe ta bin e drama cu a conduci na e huelga di hamber di ensure di Mike Eman aña pasa.

Tambe minister di finanzas Bermudez a declara cu no ta berdad cu gobierno di AVP a tene informacion atras di CAFT; nan a duna CAFT duna varios documento, pero

CAFT no ta haya cu nan ta sincroniza cu otro, segun CAFT. Minister Bermudez mesora a reacciona y splica cu nan no por duna informacion, pasobra no tin cifras. Pero cu e no ta culpa di gobierno! Increible con nan ta purba manipula. Ta ken su responsabilidad esey ta anto? Ta e gobierno di Bermudez mes a goberna pa 6 aña y nunca a produci cifras. Ken su culpa esey ta? Di CAFT? Di pueblo? Di MEP? No, pasobra tempo di MEP tabata tin cifras y tabata tin maneho drechi y responsabel. Tempo di MEP no tabata tin KB ni CFT.

Minister di finanzas a reacciona tambe riba e acusacion cu e presupuesto NO ta realistico, bisando cu e si ta haya e presupuesto realistico. Esey ta mesun cos cu Juan David Yrausquin, ex - minister di finanzas a declara apenas un aña pasa! Un cos ta obvio: e gobierno aki NO ta siñando di su erora, y unico cos cu e ta haciendo, ta bula pipa. Ta tempo pa e gobierno aki asumi su responsabilidad, y stop di bula pipa, sino e siguiente aanwijzing, KB of maatregel ta wordo traha mesora. Pueblo di Aruba no merece pasa den e berguena aki un biaha mas, pueblo di Aruba a wordo humiya demasiado caba, y merece mihor.

## PARTIDO MEP:

# PRESUPUESTO 2016 NO A YEGA PARLAMENTO AINDA, GOBIERNO TA LAAT ATROBE!

ENVEZ DI ORGANIZA CANTIDAD DI CONFERENCIA,  
GOBIERNO MESTER A ENTREGA E PRESUPUESTO 2016 FOR  
DI DIA 1 DI SEPTEMBER!



Segun nos Constitucion, gobierno di Aruba tin cu entrega presupuesto di pais Aruba pa e siguiente aña, no mas tarda cu dia 1 di September. Esaki ta un punto cu e e gobierno di signatura berde tempo nan tabata den oposicion semper a cuestiona si gobierno, e tempo aya di MEP, tabata entrega e presupuesto na tempo. Sinembargo awor cu nan ta den gobernacion nan mes no ta entrega e presupuesto segun ley ningun biaha.

Envez di entrega Parlamento presupuesto y plan di maneho di gobierno pa otro aña, gobierno ta organizando conferencianan den diferente sector, gastando bastante placa. MEP en principio no ta contra conferencia sino ta di opinion cu un conferencia mester tin un meta y no mester ta djies pa show! E

impression cu pueblo di Aruba ta hayando actualmente ta cu e diferente ministernan ta organisa Conferencianan manera pa competi ken por organisa mas bunita, ken por hasi mas show, of pa asina nan por sinja pa por haci nan trabao. MEP ta di opinion cu envez di inverti placa di nos pueblo pagador di belasting den organisa magno conferencianan cu oradornan famoso, gobierno mester cuminsa inverti den haci e trabao y den e trahadornan pa equipa nan suficiente cu material pa por haci nan trabao riba un manera profesional y responsabel.

Esey pueblo ta spera di gobernantenan. MEP ta menciona como ehempel e Conferencia di energia berde sin te ainda tuma stap concreto pa baha prijs di awa y coriente. Es mas, a hisa e prijs! Mescos ta

conta cu e conferencianan cu lo ser organisa pa loke ta trata abuso di mucha y negligencia.

Aki tin cu remarca cu tin diferente rapport publica den pasado y hasta dor di un comision cu e gobierno a lanta y cu tur hende sa kico ta puntonan di atencion pero kizas pa miedo di actua of pa falta di conocimiento e minister concerni awor kier organisa un conferencia pa e yega na mesun conclusionnan cu ya caba tin. Pueblo por spera cu djies na ultimo momento lo drenta dicho presupuesto cu e presion pa Parlamento haya tempo limita pa studia nan y pa aproba nan. Esaki lo ta un biaha mas un falta di respet pa e organo di mas halto di pais Aruba y ta spera cu Presidente di Parlamento para firme y no permiti cu gobierno ta dicidi pa Parlamento.

## PUEBLO A HAÑA SU PEN BEK

Pa kualkier informacion  
solodipueblo@gmail.com  
of  
585-9500



Drs. Booshi Wever di UPP:

J'ACCUSE PART 3:

## AZV, HOH Y MINISTER A SCOGE PA NO PUBLICA NUMBER, NI HACI DENUNCIA!!

For di e prome mitar di aña 2014, UPP a haci preguntanan entorno posibel actonan inapropia di cierto specialistanan, laborando den e sala di operacion na HOH. Riba nos insistencia, un paar di luna despues di e prome denuncia, AZV a bin dilanti cu en berdad tin un investigacion tabata ser haci door di un compania di Corsou. Sinembargo, di parti di e minister Schwengle tin un silencio hermetico.

Dia 28 di September 2015 UPP a publica un articulo (J'ACCUSE PART 1), na unda a haci un denuncia publico di posibel actonan inapropia di cierto specialistanan y atrobe a haci preguntanan y a bisa cu a bira tempo pa tanto AZV como HOH y Minister Schwengle bin padilanti y duna cara riba e asunto aki. UPP a bisa cu si no contesta nos preguntanan, nos lo menciona nombrenan di esnan involvi y lo bay haci un denuncia oficial al respecto. Un paar di dia despues AZV a bin cu un declaracion cu a demostra cu realmente kier sconde cos pa pueblo y protege cierto specialistanan. Den dicho declaracion a bira pa nos mas cla, cu realmente cosnan iregular a tuma lugar, pero kier purba di laga esnan culpabel "get-away"!! Siman pasa UPP a bin cu un otro denuncia (J'ACCUSE PART 2), e biaha aki riba posibel actonan na IMSAN. Aki tambe preguntanan a ser haci entorno esaki, pero atrobe tin un silencio hermetico. Y awe, dia 13 di Oktober 2015, ta net dos siman cu nos a publica y a pidi esnan involvi pa bini padilanti, sino nos mes lo divulga e nombrenan.

Den nos brievebus nos a haya documentonan cu ta ilustra actonan di dos cirujano, cu den nos concepto ta por lo menos inapropia. Mester tene den mente kico AZV a bisa siman pasa riba e asunto di "waarneming", y ki ora por papia di "waarneming". Por papia di "waarneming" SOLAMENTE ora cu un di e specialistanan ta malo, cu vakantie of ta afor pa un conferencia.

Nos kier a mostra riba solamente un caso di casonan inapropia, na unda dr. Ponson ta opera dia 23-10-2012 y mesun momento dr. Daryanani ta operando, esta dia 23-10-2012. Y Ponson ta cobra. Con esaki por ta?

Y asina aki, probablemente tin hopi mas caso di actonan inapropia, cu segun nos informe ta core den mas di 100 mil florin den un aña so. Y nos a bin ta comprende cu AZV a yega na un acuerdo cu dr. Ponson pa paga esaki back. Si no tin actonan inapropia a tuma lugar, dicon mester paga back? Den nos publicacion di siman pasa, nos a mostra cu den un "gesloten beurs systeem", esun cu cobra dobbel, ta



cometiendo fraude, no tin otro splicacion, y NO ta na AZV pa dicide pa no haci denuncia. Y si e director tuma riba su mes pa sconde cos y no haci denuncia, e tambe ta bira complice den e actonan inapropia aki.

Ta di spera cu despues di esaki, AZV, HOH y Minister bin padilanti y bisa algo al respecto, pasobra nos

ta convenci cu nan tur ta na altura di esaki.

E otro caso di actonan inapropia ta esun di dr. Jaramillo cu tabata traha na IMSAN y cu recientemente a ser retira, of a ser pidi pa e mes pidi su retiro, pa IMSAN no bay denuncie, pasobra e lo tabata haci uso di e buki di receta di IMSAN pa su propio beneficio. Probablemente sea e tabata busca e remedinan cu e mes tabata receta, pa despues bendenan na "niet verzekerd", of e tabata usa esakinan pa scirbi recetan pa patientnan cu no tin carchi di AZV (obviamente personanan ilegal aki na Aruba), y cu e lo ta trata pafo di IMSAN. Y si esaki ta e caso, e dokter aki ta cometiendo un otro acto penal.

Ta di con atrobe ni e director di AZV, ni e director di IMSAN, ni e minister no a entrega keho na Ministerio Publico?? Y pa completa e obra, supuestamente te hasta el'a haya placa pa e bay. Pregunta na esnan involvi si esaki ta berdad?? Manera UPP a bisa caba, un polis cu a haci su mes culpabel na un acto inapropia, corectamente a ser deteni y probablemente lo bay perde su trabao, y lo wordo sentencia

penalmente. Den e caso aki, a saca potret di su detencion, a demonise enormemente, pero den e caso di e dokternan ariba menciona, ta djis mester paga back y e otro ta perde su trabao, y cu te hasta a haya placa pa e bay. Dicon e diferencia den e trato pa actonan inapropia?

Ta di spera tambe cu otro partidonan politico, y alavez tanto gremio comercial como sindical, laga nan voz resona riba esaki, pasobra aki nos ta papia di miles di florin cu ta bay a costo di e cuida medico cu nos pueblo tin derecho riba dje. Proximamente UPP lo bay haci un denuncia oficial tambe di e actonan aki na Ministerio Publico

### MADURO HEAVY EQUIPMENT N.V.

**Santo pa Basha, Santo pa Pleister,  
Crushed Sand, Piedra, Tera**

**pa Mata, Graniet. Tambe**

**nos ta Rosa Tereno,  
Coba Pos y Fundeshi.**

**ROOI BOSAL 49**

**TEL.: 585-1708**

**FAX.: 585-6299**





Gerick Croes di MEP:

# Cambio di cobranza di motorrijtuigenbelasting ta un “ahustacion” pa ranca mas di pueblo!

Pa pueblo e ta dificil guli e pilder cu e sistema nobo di cobranza lo no bay costa mas. Den principio nan tin razon pasobra e declaracion haci door di Minister di Finanzas ta uno cu ta contradeci su mes y logicamente esaki ta crea irritacion. Netamente pa e motibo aki nos kier splica dicon su ponencia no ta cuadra cu realidad.

## Segun bo tank bo ta paga

Na promer lugar el'a declara cu e cambio aki ta budget neutral. Den principio esaki lo mester significa cu pueblo NO ta bay paga mas na loke e ta custumbra di paga, por ehempel e 320 florin. Ta bon pa pueblo sa cu anualmente Servicio di Impuesto ta colecta aproximadamente 20 milyon florin na motorrijtuigenbelasting, pues den e caso aki e sistema nobo lo ta suppose di trece mesun tanto placa y no mas. Pero e Minister di Finanzas den mesun rosea ta subraya cu “segun bo ta tank bo ta pague”, pues cada bishita na pompstation lo significa cu bo lo bay ta pagando e motorrijtuigenbelasting pa cada liter cu bo tank. E frecuencia lo bay determina con hopi bo ta paga, pues aki bo no por ta papia di budget neutral mas. Remarcabel ta cu un sistematica asina bo lo no por controla y ta mas cu logico cu bo ta confronta bo mes cu e hecho cu kier of no, husto of inhusto bo ta obliga di paga mas. Aunke cu Minister di Finansa a papia di calculacion, mester enfatisa cu e no ta posibel pa haci 1 solo calculacion pa bo yega na un suma ideal. Tin mas di 60 mil auto ta core riba Aruba y cada un tin diferente uso.

E ta masha facil pa papia cu e lo ta budget neutral pero 1 calculacion no ta representa tur e casonan individual. E asunto ta uno complica y hustamente esey nan mes a laga sa.

## Gobierno no sa kico pa haci

Pueblo mes a ripara cu te cu awor Minister no a divulga kico lo bay ta e costo di accijns pa liter. Pueblo mester ta na altura cu na e momentonan aki caba ta pagando 61.4 cent na accijns pa cada liter cual costo ta basta halto. Si gasolin subi of baha mes Gabinete Eman no a baha loke e ta cobra pa cada liter. Pues cu cambio den cobranza di motorrijtuigenbelasting automaticamente esaki lo subi. E secrecia cu tin awor relaciona cu e cambio y limitacion den duna informacion logicamente ta duna e impresion cu e motibo principal ta pasobra Gabinete Eman no sa precies kico pa haci. E ponencia cu ta wordo treci padilanti cu lo ta mucho tempran pa duna informacion ta uno absurdo debi cu falta apenas algun siman so den aña 2015 pa nan bay trata e ley y Gabinete Eman kier introduci'e entrante Januari 2016.

## Dos ehempel di calculacion

Apesar cu 1 calculacion no ta representa tur caso individual na Aruba ta importante pa pueblo haya un idea di kico e cambio lo por costa nan. Ehempel 1: Si un persona ta tank full 5 biaha pa luna y su capacidad maximo di tanki auto ta 50 liter lo significa 250 liter pa luna. Den un aña esaki ta 3000 liter. Si presenta un escenario



cu Gabinete Eman dicidi di cobra 0.20 cent lo significa cu bo lo paga na motorrijtuigenbelasting 600 florin. Ehempel 2: Si presenta un escenario cu Gabinete Eman dicidi di cobra 0.30 cent lo significa cu bo lo paga na motorrijtuigenbelasting 900 florin (3x mas!) Den un ehempel manera especificamente presenta e unico manera pa e por keda budget neutral ta pa cobra 320/3000 liter= 0.106 cent pa liter, pero for di paden nos

por a compronde te na e momentonan aki cu e lo ta mas halto. Y si resulta asina mes bo mester tene cuenta cu e ehempel cu nos a duna ta uno basa cu bo ta tank 5 biaha pa luna pero realidad ta cu gasolin ta evapora liher y bo ta bay hayabo ta tank mas biaha cu consecuencia bo ta bay paga mas di loke bo a custumbra.

## Nunca gobierno ta sali perdi

Tene cuenta cu e cifranan ta un baloracion y no necesariamente ta refleha bo caso personal pero ta djis un ehempel pa ilustra con cos nan por bay cana cu cobranza di motorrijtuigenbelasting ora di cumpra gasolin. Logicamente e ta bay varia pa tur hende dependiendo cuanto biaha bo ta tank y capacidad di e tanki di bo auto. E ta obvio cu e intencion di gobierno aki ta uno sinberguenza! Pueblo no mester laga Gabinete Eman gañabo cu e cambio lo ta budget neutral te ora cu di berdad nan presenta calculacion final. Un cos ta sigur, loke sea e cobranza pa liter ta bay bira Gabinete Eman nunca ta bay sali perdi cu e cambio aki. No mester lubida cu tur e cambionan aki ta pa genera placa mescos tur otro medida y reforma fiscal na caminda. Ademas Gabinete Eman ture tempocu a pasano ani absorba accijns, tampoco aumento di coriente corda nummerplaat. Pero si kier castiga abo rancando mas placa di tur manera cu ta existi for di bo. Awor e ta obvio nan programa di gobernacion yama “CASTIGA PUEBLO”!

Un Mainta Diferente

Top 95

Lyonel Dirksz

Tur dialuna pa dibierna di 9or di mainta pa 12or

Un Mainta Diferente

Pa alegra bo mainta cu motivacion, salud, noticia, farandula, humor, musica, hopi premio y topiconan intresante.





Presenta pa  
*Lyonel Dirksz*  
y  
*Sandra Croes*

*Strea di Fin di Aña*

LIMITED TIME ONLY

**BBQ**  
**PULLED PORK**  
**SANDWICH**



**Wendy's**



WENDYSARUBA





**EDICION 14  
OKTOBER 2015**

**FEDERACION DI TRAHADORNAN DI ARUBA (F.T.A.)  
CONGRESO EXTRA ORDINARIO SPECIAL  
SEPTEMBER 17. 2015**


Delegadonan di FTA reuni den Congreso Extra Ordinario Special, dia 17 di September 2015, tene den Sede di FTA.

**CONSIDERANDO:**

- Cu Aruba a conoce un temporada largo cu su finanzas publico a bai for di balans y cu a causa e deficit y debenan halto
- Cu Aruba ta forma parti di Reino, cu awe cu Pueblo ta desea of no, tin un ley di CAFT
- Cu Aruba mester yega na un situacion di un maneho financiero y finanzas publico saludabel y sostenibel
- Cu e solucion pa e situacion financiero ta un reto grandi pa Pais Aruba
- Cu ta dificil pa sali a corto plaso di e situacion financiero dificil aki
- Cu Medidanan pa aumenta entrada y baha gasto mester tuma lugar

**TA RESOLVE PA:**

- Exigi transparencia, claridad y seriedad di Gobierno, pa yega na haya un presupuesto balansa cu menos consecuencia pa e Clase Trahadador
- FTA guia un proceso pa crea un frente (front) pa atende e problema aki cu Hulanda, CFT y Gobierno di Aruba, pa tene cuenta cu deseo di e Pueblo pa medio di e gremionan
- Exigi di Gobierno pa duna informacion concreto riba algun punto cu CAFT a indica:
  1. Aumento di BAZV of BBO
  2. Reduccion na mitar di contractantnan y of "natuurlijke afvloeiing"
  3. Splicacion riba reforma di APFA y cumplimento cu esaki





# Solo di Pueblo...Noticia Local....

## A invita hungadornan estelar di Major League Baseball "All Start Celebrity Baseball" pa reapertura di Joe Laveist Sport Park

Dianan 27, 28 y 29 di November proximo



Antonio "Joselito" Albertsz, coordinador di e "Celebrity Baseball Madness" den cual lo figura hungadonan di MLB di Merca, ta impresiona cu e facilidad renoba di Joe Laveist Sport Park. E ta na Aruba den preparacion pa e evento grandi di reapertura, programa pa dia 28 di November 2015.

Joselito Albertsz a sigura cu ta despues di 12 aña cu ta topa atrobe den e mesun facilidad y planeando pa organisa e mesun evento, e "All Star Celebrity Baseball" anto riba un veld completamente nobo.

Ya caba e comision organizado a manda no menos di 35 invitacion na hungadornan estelar di baseball, entre otro e beisbolista Dominicano Vladimir Carera, kende a hunga baseball major league pa mas di 12 aña, e ta retira y tin famia bibando na Aruba. A

invita hungado tambe di Venezuela, Puerto Rico, di Merca y hasta for di hungadornan estelar precedente di Corsou hungando Major League.

Ta bon pa enfatiza cu un cantidad di e hungadonan invita ta activo ainda, por lo menos 7 di nan ta den playoff awor aki y lo haci tur esfuerso pa bini nos isla pa e evento di reapertura di Joe Laveist Sport Park. Ta pendiente pa nan agenda pa acomoda nos isla riba nan itinerario.

E hungadonan invita ta precedente di New York Yankees, Baltimore Orioles, Los Angeles Dodgers, Atlanta Braves, Colorado Rockies, etc. Tur ta nombrenan grandi y algun cu hasta a haci historia e aña aki den Major League Baseball.

Si tur cos sigui riba e rumbo aki, ta spera di por logra atrae por lo menos 15 di e hungadonan aki,

cu probablemente lo yega Aruba cu algun fanatico, famia y nan staf tecnico.

Tur cos ta muestra cu expectativanan ta masha halto pa reapertura di Joe Laveist Sport Park, cu un cantidad di evento durante henter fin di siman y cu presencia di varios hungado estelar di baseball internacional, hunto cu nos propio veteranonan den baseball.

Riba dia 28 di october proximo lo haci e anuncio oficial di e weganan di "All Star Celebrity Games", den cual tur fondo recauda lo bay pa Pony League Aruba, pa yuda nan yega na ekiponan y pa yuda teamnan participa den weganan internacional.

Ta invita henter Aruba pa ta pendiente pa reapertura di Joe Laveist Sport Park, durante un fin di siman di eventonan, riba dianan 27, 28 y 29 di november 2015.

## Chauffeur di Ford a kere cu e ta mas experto cu e specialistanan di trafico aunke e evidencianan ta muestra cu e ta ekiboca

Diamars mainta a drenta informe di un accidente cu hende herida na e cruzada di Meiveld patras di codemsa, Mesora a dirigi tanto polis como ambulans na e sitio. Na yegada di e patrulla a bin compronde cu aki ta trata di un

accidente unda cu un Ford no a duna preferencia na un Chevrolet. Na yegada di e ambulans nan a atende e victima. E chofer di e Ford no kier a acepta su error ni maske polis a mustre tur e evidencianan.



**PUEBLO A HAÑA SU  
PEN BEK**

Pa kualkier informacion  
solodipueblo@gmail.com  
of  
585-9500



# Solo di Pueblo... Noticia Local

## Ladronnan a bolbe kibra drenta horta na Julianaschool, un tempo tabata tin vigilancia pero awor ni esey!

Dialuna mainta a drenta informe di cu ladronnan a bolbe kibra drenta horta na Julianaschool, mesora a dirigi un patruya na e sitio. Na yegada di e

patruya a bin compronde cu eladronnan lo a kibra drenta y horta na e school. Mirando cu tin evidencianan cu a keda atras a solicita presencia

di e oficialnan di Investigacionnan tecnico y forensico pa bini y haci nan investigacion



## Auto a dal un palo di lus y bolter na Ser'i Teshi, e chofer no tabata localisable

Diadomingo mainta a drenta informe di cu un auto lo a bolter na Ser'i Teshi, mesora a dirigi un patruya na e sitio. Na yegada di e patruya a bin

compronde cu aki ta trata di e Mitsubishi Lancer A3213 cual lo tabata bayendo direccion pariba pa un of otro motibo lo a bay na banda robet di

caminda y a dal un palo di luz kibra esaki subi e serito di santo y bolter bay cay riba su dak. E chofer mes no tabata na e sitio. Polis a confisca e vehiculo.



## Con pa abona na Solo di Pueblo? Facil...

Yama nos oficina na 585-9500 y nos lo entrega bo corant tur mainta tempran den bo porta di cas. Costo di Abono: Afl. 35.00 pa luna

## Kia Rio 2008

price :10500 florin. however offers are welcome

automatic , full equip .

Vehiculo ta hopi bon cuida .

Tlf: 5694343



**Chrysler 2003.**  
Automatic ; airco ;full equippa.  
price :10 mil florin.  
however offers are welcome  
call 5694343.





# Solo di Pueblo... Noticia...

## Graduadonan di estudio Master den idioma ta presenta nan tesis na Arubiana/Caribiana



Luna di october ta proclama pa Minister di Enseñansa y Famia como Luna di Enseñansa. Biblioteca Nacional Aruba a haci uzo di e ocasion aki pa invita e prome graduadonan di Aruba di estudio Master di idioma pa comparti cu docentenan y tur otro interesado den e materia e trabou grandi cu nan a haci cu a resulta den nan tesis Master. Durante 2 atardi, esta diamars 20 di october y diamars 27 di october ocho di e graduadonan ta presenta nan tesis.

Diamars 20 di october ta presenta sr. Willem Bant, MEd den Spaño, sra. Ryma Rincones-van der Linden, MEd den Hulandes, sr. Cedrick Kelly, MEd den Papiamentu y sr. Cesar Kelly, MEd den Papiamentu.

Diamars 27 di october ta toca turno na sra. Swinda Arendsz-de Cuba, MEd den Papiamentu, sra. Maureen Molina-Luidens, MEd den Papiamentu, sra. Zulaika Fernandes Perna-Silva, MEd den Papiamentu y sra. Endrah Richardson-Gumbs, MEd den Ingles.

Number oficial di e estudio ta HBO-master idioma. E estudio aki tin un duracion di 2 aña. Por haci e estudio

Master den 4 idioma, esta Papiamentu, Hulandes, Ingles y Spaño. Personanan cu por haci e estudio aki ta personanan cu un Bachelor den un di e idiomaan menciona of un formacion ekivalente. E estudio aki ta existi for di 2009 na Universidad di Corsou.

Pa e estudio di aña 2013 pa 2015 Universidad di Corsou (UOC) a habri e posibilidad pa e studiantenan di Aruba sigui e estudio online via Blackboard collaborate y Smartboard. Instituto Pedagogico Arubano (IPA) a facilita espacio y infraestructura digital na e studiantenan. FDA a duna un aporte financiero pa Aruba. A crea un cooperacion unico entre Universidad di Corsou, sucursal di UOC na Boneiro y IPA. Den practica esaki tabata nifica cu e docente ta duna su college na un di e tres islanan y e studiantenan na e otro dos islanan ta sigui e college hunto den klas via e sistema digital. E sistema ta haci posibel tambe pa e studiantenan por comunica cu e docente y cu e otro studiantenan. E docentenan tabata bishita un bes pa modulo e otro islanan pa cera conoci cu e studiantenan. Tabatin docente di Aruba, Corsou, Boneiro, Puerto Rico, Hulanda, Suiza y

Polonia.

Na Aruba a cuminsa un grupo di 32 estudiante y 1 observador. Algun estudiante a cay afo den transcurso di e estudio y na final tabatin 27 estudiante: 12 pa Papiamentu, 7 pa Hulandes, 5 pa Ingles y 3 pa Spaño.

Na juni 2015 a gradua 10 estudiante, 6 pa Papiamentu, 1 pa Hulandes, 1 pa Ingles y 2 pa Spaño. Na September a gradua un mas pa Spaño. Y tin mas graduado na caminda.

Biblioteca Nacional Aruba, en especial departamento Arubiana/Caribiana, ta hopi orguyoso di por presenta 8 di e tesisnan Master. Durante dos atardi e graduadonan, 4 pa cada atardi, ta presenta e trabou y investigacion cu nan a haci pa yega na nan tesis. Tin oportunidad pa haci pregunta. E presentacionnan ta tuma luga na departamento Arubiana/Caribiana na Bachstraat 5, Oranjestad, di 5.30 pa 7.30 di atardi.

Un invitacion ta bay na un y tur, en especial docentenan y tur hende cu ta traha cu maneho di idioma, pa participa na e atardinan di presentacion.

## Ladronnan a manda baranca pa kibra porta di Setar Teleshop na Santa Cruz pa drenta y horta



Dilauna madruga a drenta informe di cu ladronnan a manda un baranca door di e glas di e porta di Setar Teleshop patras di Valero Santa Cruz, mesora a dirigi patruya na e sitio. Na yegada di e patruya a bin compornde cu aki ta trata di un piedra cu lo a

ser manda door di e glas di e porta pa asina nan drenta y horta. Pero na e momentonan ey tabata dificil pa haya un hende cu por habri e lugar pa controla y wak kiko nan por a bay cun'e. Nos lo sigui informa....





# Solo di Pueblo... Noticia...

Premios World Travel Awards:

## AVIANCA, AEROLÍNEA LÍDER DE SURAMÉRICA

Los premios World Travel Awards fueron entregados en ceremonia de gala realizada el pasado sábado 10 de octubre en Bogotá.

Avianca recibió la exaltación como "Aerolínea líder de Suramérica", tras una rigurosa evaluación de sus productos y servicios por parte de un equipo de profesionales de la industria turística internacional y votación abierta entre los usuarios.



Al hacer entrega del premio a Avianca, Sion Rapson, Vicepresidente de los World Travel Awards, WTA, declaró: "Con este reconocimiento queremos destacar el compromiso de Avianca con la entrega de experiencias de viaje de calidad. Además del profesionalismo y la calidez de su equipo humano, la Aerolínea ha incorporado avanzada tecnología para facilitar

los procesos de viaje, que le permiten ofrecer una atención eficiente y a la vez personalizada, tal y como lo demanda el cliente de hoy. Avianca va adelante en facilidades e innovación, permitiendo a los viajeros hacer efectivos los procesos de check in, reservas y compras online. A bordo, los viajeros tienen la posibilidad de disfrutar del máximo confort en

una flota de aviones de alta tecnología y un portafolio de servicios de entretenimiento superior", puntualizó el directivo.

Por su parte, el Presidente de Avianca, Fabio Villegas Ramírez, anotó: "Quienes hacemos parte de Avianca nos sentimos honrados con este reconocimiento que nos hacen tanto los expertos de la industria turística internacional

como nuestros usuarios. El galardón WTA como Aerolínea Líder de Suramérica nos llena de alegría por cuanto ratifica el compromiso de los más de 20 mil colaboradores que hacemos parte de Avianca con los viajeros y nos anima a continuar trabajando con profesionalismo por la entrega de un servicio de calidad superior a quienes eligen a Avianca para realizar sus viajes de turismo o negocios".

En la entrega de los premios también se destacó la red de rutas Avianca, una de las de mayor cobertura en América Latina, operando más de 800 vuelos diarios a más de 100 destinos en América y Europa, a lo que se suman más de 21,900 vuelos diarios a 1,329 aeropuertos en 193 países a través de las aerolíneas miembro de la red Star Alliance.

Sobre los World Travel Awards, WTA: Están considerados como los

premios más importantes de la industria de viajes y turismo, organizados por el grupo inglés WTA & conformado por medios de comunicación como TV5Monde, International New York Times, Newsweek, Travel & Leisure, Khaleej Times y Trade Arabia, entre otros. Su objetivo es promover las mejores prácticas de la cadena turística, destacando a los líderes en servicios hoteleros y resorts, empresas de renta de automóviles, sitios para eventos y certámenes, proveedores de tecnología para viajes y aerolíneas. De igual modo, con los premios se busca promover el trabajo mancomunado de la industria turística y difundir sus prácticas a una audiencia de 300 millones de personas en los cinco continentes. Mayor información sobre los premios en la página:

<http://www.worldtravelawards.com/>

WORLD  
TRAVEL  
AWARDS



# Mario's Septic Service

Pa tur tipo di pos, tubería  
pa hotel y negoshi

Santa cruz #376  
560-3500 / 565-4477  
[marioseptic@gmail.com](mailto:marioseptic@gmail.com)



# Solo di Pueblo... Social...

## KIWANIS CLUB OF ARUBA A ENTREGA E PREMIO "CLINT WHITFIELD OUTSTANDING STUDENT AWARD"



Recientemente Kiwanis Club Aruba a entrega pa di 20 aña consecutivo e premio Clint Whitfield Outstanding Student Award.

E premio aki ta reconoce e studiantenan na Colegio Arubano pa e aña escolar 2014/2015 no solamente pa nan resultadonan excelente na nivel académico, pero tambe nan personalidad desplega tanto cu nan colega studiantenan como nan docentenan.

Presente na e actividad aki tabatata: 8 alumnonan cu nan mayornan tambe nan docentenan y miembronan di Kiwanis Club of Aruba y Key Clubers di Colegio Arubano.

E studiantenan cu a ricibi e premio "Clint Whitfield Outstanding Student Award" pa aña 2014/2015

ta: Ciclo Basico 1: Kyle Tagorda, Ciclo Basico 2: Alec Pietersz y Belen Messenger Claessens, Havo 3: Marcela Zuñiga Orozco, Havo 4: Celine Geerman, VWO 3: Naima van Schie, VWO 4: Edmund Vilhez Harms, VWO 5: Melody Boëtius.

E studiantenan a ricibi nan premio for di man di nan docentenan di Colegio Arubano y e vicepresidente di Kiwanis Club of Aruba sr. George Croes.

Tambe durante e aña escolar aki tin 6 alumno cu a descata ariba nan estudio, aunque cu nan a pasa den momentonan dificil toch a sabi di sobresali cu éxito den nan estudio.

Nan ta: Ciclo Basico 1: Seraphima Fit, Ciclo Basico 2: Kevin Solagnier,

VWO 3: Andrea Ramirez, VWO 6: Joulyssa Wolff, Havo 4: Coco Chica Gonzalez, VWO 4: Airomi Illidge. Nan tambe a ricibi un premio for di man di docentenan di Colegio Arubano y e vicepresidente di Kiwanis Club of Aruba sr. George Croes.

Kiwanistaun organisashon global di voluntarionan dedica na cambia e mundo pa via di un mucha y un comunidad cada biaha y tin como lema: sirbiendo e muchanan di mundo. Kiwanis Club of Aruba ta activo den e comunidad Arubano desde 1965. Pa mas informashon di su actividadnan por acudi na [www.kiwanisaruba.org](http://www.kiwanisaruba.org). Tambe por bishita e website di kiwanis Internacional na [www.kiwanis.org](http://www.kiwanis.org). Kiwanis Club of Aruba ta felisita tur e studiantenan cu a ricibi nan premio y tambe ta desea tur estudiante di Aruba un exitoso aña escolar 2015/2016. Alaves Kiwanis Club of Aruba kier a gradici tur esnan cu tabata involvi den e proyecto aki pa nan cooperación y dedicación.





# Solo di Pueblo...Social...

## Appel di Oro cu un acogida tremendo



"Educacion no ta un preparacion pa bida; educacion ta bida mes".

Den cuadro di celebracion di luna di Oktober como Luna di Enseñanza, Ministerio di Enseñanza hunto cu Departamento di Enseñanza Aruba a organiza un reconocemento mas amplio pa personanan cu ta destaca den e area di Enseñanza y ta reconoce excelencia den Enseñanza den su totalidad.

Appel di Oro tawata habri pa participacion di tur scol di enseñansa primario, secundario, special y superior reglamenta na Aruba. Cu e Premio Nacional di Excelencia den Enseñansa lo duna reconocemento den e categorianan di:

Maestro

- C a b e s a n t e / Director/Rector

- Actor di sosten (mentor, Intern Begeleider (IB), Remedial Teacher (RT), Prisma leerkracht, Begeleidingsleerkracht of Klassenassistent)

- Proyecto den scol
- L i f e t i m e Achievement Award

- Newcomer Award

Henter comunidad: alumno, estudiante, mayor, coleganan maestro y/of cabesante di scol, tawata tin e oportunidad pa nomina un Maestro, Cabesante/Director/Rector, Actor di

Sosten y Scol. Mester menciona cu un cantidad grandi di hende a tuma e oportunidad aki tur cu tin! E acogida pa cu e premio aki ta tremendo. No menos cu 135 formulario di nominacion a wordo yena y entrega.

Dia 30 di October lo clausura Luna di Enseñansa cu un evento special unda lo anuncia e ganadornan di e premio Appel di Oro.

Ministerio di Enseñansa y Departamento di Enseñansa Aruba ta super contento cu e cantidad di nominacionnan y kier a yama comunidad danki pa e acogida positivo pa cu un premio asina bunita.

Registra pa Noticiero EA na [www.ea.aw](http://www.ea.aw) y sigui "Enseñansa Aruba | Education Aruba" riba Facebook of Twitter pa keda na altura di e proyecto aki y otro informacion relaciona cu Enseñansa na Aruba.

## Záhyon Klabér y Hakeem Lowe a gana medaya di Brons na e G1 Trinidad & Tobago Taekwondo Open

Den fin di siman a tuma lugar e G1 Trinidad & Tobago Taekwondo Open y Brazil Taekwondo Stichting

Lowe a perde e cuart final contra di Carl Nickolas for di Merca. Hakeem Lowe kende tabata ganando a



a participa cu 3 atleta. Uno den e categoria di cadet y dos den e categoria junioren. E G1 Trinidad & Tobago Taekwondo Open tabata bon bishita cu 20 pais cu atletanan di taya cu a bin pa bringa pa score punto pa e Gran Prix y pa score punto pa e Olimpiada 2016 tambe. Merca, Canada, Haiti, Guatemala, Suriname, Puerto Rico, Nicaragua, Guyana, Trinidad & Tobago, Jamaica, Honduras, Marocco, y Mexico tabata e paisnan cu mas a resalta na Trinidad & Tobago.

Hopi atleta cu ta ariba e rango mundial entre e 10 nan na mundo tabata na Trinidad & Tobago pa score punto, asina nos por a mira e.o. Maria Espinoza di Mexico y Stephen Lampdin di Merca den accion, sin conta ariba e otro atletanan cu a duna un bon bataya. Merca so a participa masalmente cu masha hopi atleta for di e team nacional, atletanan di cada categoria. Di parti di Brazil Taekwondo Stichting Jourde Klabér no a duna mucho di su banda y a perde e promer pelea contra di Davyd Cabrera for di Merca cu ta un atleta desconoci. Hakeem Lowe a gana su promer pelea contra di Nicholas Elliott for di Trinidad & Tobago cu un score di 19-4. Hakeem

bin ta haya 9 punto contra cu scop pa cabez. Pa ora cu Hakeem Lowe kier a reacciona ya tabata hopi laat caba y mester a keda satisfecho cu su medaya di Brons. Záhyon Klabér cu niun hende a spera cu e por a gana e pelea a bin ta gana for di Juan Pablo Alvarado for di Merca. Juan Pablo Alvarado a bin ta pone Záhyon Klabér bou di presion for di e promer seconde di e pelea buscando su victoria, sin spera cu Záhyon Klabér a clabe uno pa cabez bayendo ariba 3-0. Den e di dos y tercer rond Záhyon Klabér a clabe mas scop pa cabez, ganando e pelea cu un score di 12-8.

Despues Záhyon Klabér a bin topa cu Luis Orozco for di Merca cu for di e promer seconde a bombardia Záhyon Klabér cu scop y Záhyon Klabér no tabata sa ta kiko a dale. Luis Orozco tabata super super bon cu su pianan y Záhyon Klabér no tabata tin niun oportunidad di scapa for di Luis Orozco y mester a keda satisfecho cu su medaya di Brons.

Asina e team di Train Hard Fight Smart di Brazil Taekwondo Stichting a logra dos medaya di Brons na e G1 Trinidad & Tobago Taekwondo Open.

wake reina drumi banda lama pasobra ta banda lama mes nos tey celebra awe den grandi laga nos tur cu ta stime dune e amor cu e merece awe pasobra 18aña so e la hasi awe caminda ta bai ta di dje so awor Ismae Solognier awe nos ta canta baila y gosa pasobra ta bo dia cu nos ker celebra cu bo.



awe nos mana reina cu no por tende mana canta ta di fiesta nos Ismae Solognier pabien ta bin di full e fan clup di Mana cu pronto e ta bai wake Ismae bo ta kla pe surprise mana here we come pronto un reina semper nos tin hasi su ker voorall ora ta mucha lief y bunita smile cu tur hende gusta juda un y tur pasa dushi dia awe Isa





# Solo di Pueblo...

## Cuerpo Policial y Centro Traimerdia a ofrece programa interactivo na hobennan

Como parti di un proyecto piloto di centronan di Traimerdia rond Aruba, e aña aki a ofrece un programa di dianan completo, for di 7:30am pa 5:30pm durante di e vakantie di october. Centro Traimerdia Sonrisa a prepara un tremendo programa, unda cu un dia a wordo dedica completamente na interaccion y trabao di Polis.

Cada un di e cuater guianan di Sonrisa a keda encarga cu e programa pa un di e dianan di e siman y Litienne Lacle a scoge pa organisa e dia cu polis, incluyendo contamento di storia cu Liliana Rasmijn; un demostracion y splicacion tocante armanan y e peligro di uzo di arma cu a wordo ofreci pa John Larmonie; y un demostracion hopi interesante di parti di e unidad di K9, cual a tuma luga atardi.

John Larmonie, kende ta vocero suplente y parti di e team di conscientisacion y prevencion di Cuerpo

Policial a splica cu e bishita aki tabata p'e e di dos biaha cu el a prepara y duna un presentacion na Sonrisa. E tabata un experiencia hopi leuk atrobe, Larmonie a comenta.

El a splica cu e prome biaha cu el a haya un peticion pa un lezing na Sonrisa, el a keda un poco sorprendi pasobra hopi biaha e temanan cu Cuerpo Policial ta trata cune ta topiconan hopi serio y un poco pisa. Pero, no mester lubida cu hobennan special tambe ta biba den e comunidad y ta keda confronta cu e mesun situacionnan dificil cu hopi otro hoben mester enfrenta.

Tin cliente di Sonrisa cu a splica Larmonie cu nan ta haya nan mes cu gangnan den nan barrio cu ta purba di convence nan pa uni na nan y tambe miembronan di gang cu ta purba haya nan bay horta pa nan. Informacion asina ta facilita un combersacion tocante con nan por actua den situacionnan asina,

kico ta e situacionnan cu ta peligroso pa nan y con pa evita wordo influencia pa hendenan cu kier haci nan daño.

E tema di arma tabata uno hopi interesante, y Larmonie a splica kico ta un arma, kico ta e reglanan encuanto di arma, pakico armanan ta asina peligroso y pakico nan no mag di tin arma. El a agrega cu ora di haci pregunta, semper e ta repasa e informacion cu e hobennan y a nota cu tur hende a capta e informacion y a compronde kico a wordo splica y e importancia di e loke a wordo comparti.

Semper ta un placer pa Cuerpo Policial duna lezingnan asina, cu ta un contribucion pa cu e desaroyo positivo di miembronan special di nos comunidad, y di nos comunidad en general.

E clientenan di Sonrisa participando na e vakantiekamp a varia di seis pa 40 aña di edad, y nan tabata sumamente



contento y entusiasmo cu e dia dedica na polis, specialmente e demostracion di K9, Litienne Lacle a agrega. Ta di dos biaha cu K9 ta haci un demostracion na Sonrisa, pero esun di siman pasa tabata hopi mas grandi cu esun anterior.

Marien Lacle ta cabesante di Traimerdia Sonrisa, cu ta ofrece henter aña e programa di traimerdia cu ta cay bao di e fundacion Traimerdia, pero ta adapta esaki pa nan clientenan. E siman di vakantiekamp tabata uno yena cu creatividad, actividad di grupo, recreo y informacion. El a haya bon acogida como cu a ofrece mayornan cu no por tuma vakantie den e periodo aki un alivio y siguransa cu nan yiu ta bon cuida y ta wordo entretení.

Durante e siman a invita diferente instancia pa comparti nan informacion cu e clientenan pa asina nan por siña di e funcion

di e instancianan, Marien Lacle a bisa. E bishita di Cuerpo Policial, ademas di ofrece informacion nobo na e clientenan a provee un oportunidad pa acercamento, pa traspasa hands on e mensahe Polis ta bo amigo.

Lacle a bisa cu loke a comparti entre otro ta e mensahe cu polis no t'ey solamente pa "coy hende malo", pero no mester tin miedo di nan pasobra nan t'ey tambe pa educa tur tipo di ciudadano, nan t'ey pa duna un man den tur tipo di situacion y cu nan trabao ta peligroso. Ademas, nan a comparti informacion manera e proceso di preparacion pa bira polis.

E programa cu polis ta un base di conocimiento general cu Sonrisa ta ofrece su clientenan, pa medio di interaccion cu polis, e clientenan ta haya menos miedo di polis y, tambe, ta haya mas respet pa nan trabao, Marien Lacle a conclui.





# Solo di Pueblo...



Stichting MUSICA a presenta su Financieel Rapport di "Aruba Caiso & Soca Monarch 2015" na su musicianan.

Ayera, dialuna, 12 di oktober na Club PCVA, Stichting MUSICA a tene un reunion cu musicianan na unda a presenta nan Financieel Rapport. Compania renombra administrativo PLUS ACCOUNTANT tambe tabata presente. Sr. Croes propietario y registered accountant a presenta y duna un splicacion amplio na tur musico encunto esaki.

Como invitado special di e anochi aki, tabata presente Presidente di AMAC, Sr. Feco Gomes di Curacao. Sr. FECO a elabora con asociacion di musico y artistanan di Curacao ta funciona y tambe a extende nan respaldo completo tanto na Stichting MUSICA y tur musico y artista nan di Aruba. Mr. Gomes a expresa cu ta boga pa pronto Aruba por keda dia cu e opriching di AMAA y cu esaki por cuminsa opera y ta premia caba con e islanan, Aruba – Boneiro – Curacao y hasta menciona St. Maarten lo por uni forza pa traha hunto na bienestar di nos musico nan y artistanan.

Presidente di Stichting MUSICA Sr. Clyde Burke a duna amplia splicacion con Stichting MUSICA a funciona desde 2013 y lo keda traha duro pa jega na metanan cu a wordo stipula for di inicio di e Stichting. A pone enfasis riba continuacion di Aruba Caiso & Soca Monarch bo di nan maneho y e trabao nan cu ta wordo haci pa jega na formacion di AMAA cu lo cubri tur otro ramo di musicianan Arubiano y musicianan biba na Aruba.

E reunion tabata masha interesante y tabatin bon opinion di tur esnan presente cu tambe a respalda Stichting Musica cu ta trahando na bienestar pa tur musico.

Tambe a duna un update di con MUSICA ta prepara pa Caiso & Soca Monarch 2016, a splica cu tin hopi trabao andando y hopi pa concretiza ainda pero lo tene su musicianan na haltura.

Stichting MUSICA ta gradici cada un cu tabata presente y a duna nan respaldo na Stichting MUSICA y tambe kier a gradici Sr. Feco Gomes pa su prestigioso tempo y cu for di inicio semper a duna Stichting MUSICA tur sosten pa logra nan metanan y proyecto nan di futuro.

## Careda Internacional di Karting



E week-end aki Aruba lo conoce un careda International di go kart despues di hopi aña.

Aruba a participa den luna di Augustus den e point series na Panama "Latin American and Caribbean Race" y a logra gana 4 trofeo den 2 categoria cu nan a participa aden. TAG senior cu Bryan Wong y Jonathan Arends, y den TAG master cu Thierry Tromp y Jonathan Alvarez.

Oktober 17 y 18 lo bai tin e final di e point series aki na Aruba unda pilotonan di varios pais lo bataya, y den nan lo tin corendonan di Panama, Venezuela, Merca, Hulanda, Canada y Colombia.

Aruba lo ta bon prepara cu mas di 35 coredor, pa atrobe demostra cu Aruba tin talentoso corendonan masculino y femenino di caliber International.

Den e categoria di mucha lo tin varios piloto cu lo participa cuminsando for di 6 aña.

Recientemente Aruba tabata tin un bishita den e ultimo careda na September ultimo di e hoben Sebastian Ng, cu a bini specialmente pa practica e week-end ey den September en preparacion pa e careda grandi di Oktober awor. Sebastian Ng a logra hasi e miho tempo di su categoria, den historia di karting di Aruba.

E pilotonan International lo cuminsa jega nos isla for di dia 13 di Oktober awor pa nan cuminsa cu

practicanan y preparacion for di dia 14 y 15 di Oktober. Caredanan lo cuminsa dia 17 di Oktober cu qualifying y cu nan prome careda oficial y diadomingo 18 di Oktober lo tin e finalnan.

Team Aruba di karting kier a invitatur fanatico di speed y di e deporte di karting, y Aruba completo pa bin apoya nos corendonan den nan careda pa defende Aruba den e caredanan International.

Smrrp Aruba / Bushiri Karting Speedway.

## Train Hard Race Easy



Despues di varios luna di training, finally diadomingo 11 Oktober tabata e gran

dia pa Nelson Moreno, kende a participa na su promer full marathon (42.2 K) na Chicago cu un tempo no- oficial 5.03. Su team All

Runners Aruba (ADRA) kier a felicita Nelson cu e gran logro aki. Nos motto: Train Hard Race Easy.

Pabien un biaha mas Nelson! Pabien ta bay na Nelson Moreno.



Distance





# Solo di Pueblo... Local

Resultado di number:

## Diamars October 13 Merdia

Catochi	Big 4
7768	9879
9260	
5995	
Zodiac	XXXX
6166- Cancer	XXXXXXX

## Diamars October 13 Anochi

Catochi	Big 4
9889	6179
1026	
8000	
Zodiac	Lotto di Dia
2554-Aries	12-18-21-07-16
Minimega	Corsou
10-04-16-28 Megaball 07	4234
xxxxxxx	6261
	8863
Diario	Super 4
9170	3654
2143	
9871	

## 4 skina DIA

9091

## 4 Skina Cur

4483

Pa tur sorto di trabao den cura y tur sorto trabaonan di verf. Bon servicio y bon prijs

Pa mas info yama 592-5692

# TEMPO

PARCIALMENTE NUBLA CU CHENS PA UN YOBIDA ISOLA Y PASAHERO.

TEMPERATURA MAXIMO 33 GRADO CELSIUS Y TEMPERATURA MINIMO 28 GRADO CELSIUS.

SOLO TA SALI 06:30 AM Y TA BAHIA 06:22 PM.

BIENTO:

FOR DI DIRECCION OOST Y MODERA TE FRESCO; FORSA 4 TE 5 ( 20 TE 35 KM/ORA, 11 TE 19 NUDO ).

OCASIONALMENTE RAFAGA TE FUERTE; FORSA 6 TE 7 ( 39 TE 54 KM/ORA, 21 TE 29

NUDO ).

SITUACION GENERAL:

UN OLA TROPICAL LO CRUSA NOS REGION AWENOCHI Y POR CAUSA ALGUN YOBIDANAN.

DESPUES FLUHO ANTI-CICLONICO DEN NIVELNAN MAS HALTO LO CAMBIA E

ATMOSFERA PA BIRA MAS SECO.

E BIENTO TA KEDA FRESCO TE FUERTE PA E RESTO DI SIMAN.

TEMPO TROPICAL:

NADA SIGNIFICANTE.

CONDICION DI LAMA:

OLANAN DI LAMA TA BINIENDO DI DIRECCION OOST-NOORDOOST CU HALTURA DI 5 TE 7

PIA.

TEMPERATURA DI SUPERFICIE DI LAMA 29 GRADO CELSIUS.

PROSPECTO DI TEMPO PA E SIMAN:

LEVEMENTE NUBLA DESPUES DI DIARANSON

BIENTO TA KEDA FRESCO TE FUERTWE.

TEMPERATURA TA FLUCTUA RIBA NORMAL.

REGISTRACION DI TEMPERATURA (CELSIUS) Y AWACERO (MM) DEN ULTIMO 24 ORA :

AIRPORT MAX 34 / MIN 28 / 0.00

HADICURARI MAX 30 / MIN 28 / 0.00

## BOTICANAN:

Maria	585-8145
Di Servicio Noord	586-4606
Seroe Preto	584-4833
Fergusonstraat	583-0620
Kibrahacha NV	582-2007
Oduber NV	582-1780
Paradera	588-6638
Santa Cruz	585-6890
San Lucas	584-4830
San Nicolas	584-5712
Santa Anna	586-0027
Trupial	582-8671
Eagle	587-9011
4 Centro Medico	584-5779
Aloe	584-4606
Central NV	585-1965
Dakota NV	588-7364
Del Pueblo	582-1253

## POLIS:

Orañestad	100
San Nicolas	104
Sta. Cruz	105
Noord	107
Tip-line	11141
Brandweer/Ambulance	911
Guardacosta	913
Seguridad National	11911
Hospital	527-4000
Centro Medico	524-8833
Setar storing	117
Web Storing	525-4600
Elmar storing	523-7147
Agencia Funeral:	
The Olive Tree	584-8888
Ad Patres	584-2299
Aurora	588-6699
Mementomori	582-2222

## Fundacion:

Cas	584-2050
Fada	583-2999
F A V I	582-5051
Famia Planea	588-9591
Autismo Aruba	588-1179
Pa Hende Muherr	583-5400
Pa Hubentud	588-6138
Bloedbank Aruba	587-4260
Solo di Pueblo	585-9500
Canal 22	585-9500
Tip pa redaccion	592-6895

## Botica na Warda

Yama pa informacion na  
Horacio Oduber Hospital:  
527-4000

## Dokter na Warda



# Solo di Pueblo... Noticia...

## “HALFWEG”, UN MONOLOGO MUSIKAL UNIKO!



‘Halfweg’ ta presentacion di un monólogo musical nobo di e hóben hasidó di teatro, actriz nacé na Kòrsou, Dichi Wit.

Halfweg ta e munisipio Hulandes kaminda su tawela, desendiente di Sürnam a biba un gran parti di su bida. Tambe Halfweg ta para pa e fase di bida caminda e personahe den e obra, interpretá pa Dichi Wit, ta actualmente.

Theatre Foundation Work in Progress recientemente fundá, a tuma Dichi Wit completamente bao di su alanan pa logra su meta di por brinda sosten na hóben cu kier sigui desaroyá nan talento y na mes momentu agregá produkshon extraordinario na bida di teater na Còrsou.

Dichi Wit ta sinti su mes un mezcla di diferente raza, conektá cu e herencia cultural di su antepasadonan. Un sesion di investigacion ku ta dura dos luna riba su isla natal ta reflehá den un obra fasinante cu música

na enkargo di Eric Calmes riba guitarra, Richard Doest riba percusion, cu sosten di hacidó di teater Albert Schoobaar y Milushka Birge. Públiko por eksperensia e búskeda riba un isla manera Còrsou ku mas di 52 nashonalidat, huntu ku Dichi Wit. Kada bishitante di e piesa, chikitu i grandi, por saka su propio konklushon riba e pregunta ta ken nos ta



en realidat

Durante di e presentacion ta papia Hulandes, Papiamentu y Ingles.

Dichi Wit, ta konosi di su partisipashon estelar algun aña pasá na e prome edishon di Curastars, awor e ta gradua komo actriz y kreadó di teatro na ‘Amsterdamse Hogeschool voor de Kunsten’. Mirando su produkshonnan anterior, manera ‘Knooppunt Jeruzalem’ (2013) i ‘Waar blijft de tijd’ (2015) i tambe ultimo parti di e ensemble di e musikal mas eksitoso di Hulanda ‘Hij gelooft in mij’, el a demostrá di ta un actriz y hacidó di teatro masha peculiar.

E presentashonnan lo tuma lugá na Teatro Luna Blou riba djamars dia 3 di novèmber i djáron dia 4 di novèmber pa 19:30’or. Kaarchi ta kosta fl.12,50 i ta optenibel na Teatro Luna Blou i Mensing’s Caminada. Sigui tur informacion via [www.facebook.com/dichihalfweg](http://www.facebook.com/dichihalfweg)

## Curso “Pensa positivo”

Cu sumo placer Brahma Kumaris Aruba ta organiza un curso di Pensa positivo.

E curso aki lo cuminsa diasabra awor, 17 Oktober den centro di Brama Kumaris cu ta keda na St. Cruz 113, banda di Kenro Jewelers. Orario: 6.00-7.30pm

E curso ta consisti di 4 sesion cu lo ta riba e dianan: 17, 24, 31 Oktober y termina riba 7 November.

E topiconan cu lo ser trata durante di e curso ta:

Kico ta pensamentonan y di unda nan ta bini? Con personalidad ta ser crea? Con habitonan ta ser crea

y con nos por libera nos mes di mal habitonan? E balanse den nos mes y e 8 podernan mental.

Tur e diferente topiconan lo ser brinda den un forma interactivo por medio di tareanan.

Pensa positivo ta un di e diferente cursonan cu Brama Kumaris World Spiritual organisation sa organisa pa comunidad.

Tur curso di Brama Kumaris ta liber di costo.

Pa mas informacion por yama Cel# 5643106 of bishita [www.brahmakumaris.org](http://www.brahmakumaris.org); [www.learnmeditationonline.org](http://www.learnmeditationonline.org)

## Tip line

**7380101**

**Solodipueblo**

**@gmail.com**

## BACKHOE & BOBCAT SERVICES

Lanta sushi, rosa tereno, Coba pos  
pa fundeshi, santo y piedra  
Pa mas info yama 593-5050 of 592-1116



# Solo di Pueblo...

**Ta busca cas pa Cumpra**  
Ta busca cas pa cumpra entre  
300 y 350 mil florin.  
please contact between 2pm to  
6 pm  
contact number. 5694343

**Ta busca BMW 7 serie Lemo  
pa Cumpra**

ta busca BMW 7 serie L pa  
cumpra .  
contact info. 5694343  
please contact between 2pm to  
6 pm

**For Sale at Reduced Price !!**

**2 storey House + 4 rental apartment  
generating awg.5100**

**Price is below execution value  
asking price awg.525000(usd.294000)**

**contact:5694343 or arubaqualityhouses@  
gmail.com call hours : 3:00 pm -7:00 pm**

**Con pa abona  
na Solo di  
Pueblo? Facil...**

Yama nos oficina na  
585-9500 y nos lo  
entrega bo corant  
tur mainta tempran  
den bo porta di cas.  
Costo di Abono: Afl.  
35.00 pa luna

**Ta Busca auto  
Pa Cumpra**

**Ta busca auto  
di 4000 of  
5000 florin pa  
cumpra  
contact  
5694343**

**FOR SALE**

**Spacious House + 2 apartment  
In Oranjestad for Sale**

**5 minutes walking distance from  
Downtown Oranjestad**

**Price: 300.000. Close to  
execution value!**

**For more info Call:  
5694343/5646254**

**Gmail: arubaqualityhouses@  
gmail.com**

**FOR SALE**

**1 complex consisting of 7 apartment or  
for living + 4 apartment for rent. Very  
good investment. Price is far below  
execution value. Property very close to  
Xavier University.**



**For more info Call: 5694343/5646254**

**Gmail: arubaqualityhouses@gmail.com**

**FOR SALE**

**Apartment complex in Noord.**

**3 spacious apartment on a 1000 square  
meter commercial ground. Very good  
for a small hotel.**



**For more info Call: 5694343/5646254**

**Gmail: arubaqualityhouses@gmail.com**





# Solo di Pueblo Social...

## Hilton Aruba a duna Colegio Ora Ubao un aparencia nobo y alegre durante Luna Internacional di Servicio Comunitario



Sumamente grato tawata e sorpresa cu alumnonan y maestronan di Colegio Ora Ubao a ricibi dialuna mainta ora cu nan a yega nan school bek despues di vakantie. E alegria riba nan cara tabata bisto na momento cu nan a tuma nota cu nan school a haya un aparencia completamente diferente, alegre y vibrante durante e ultimo siman danki na un grupo di voluntario di Hilton Aruba Caribbean Resort & Casino.

Pa Hilton Worldwide luna di Oktober ta marca Luna Internacional di Servicio

Comunitario y tur aña e compania ta percura pa mobilisa miembronan di nan ekipo tur rond di mundo pa participa den proyectonan comunitario pa haci di nan comunidad un mihor lugar. Bou di tremendo liderasgo y entusiasmo di Sheila Stamper, e comision di Hilton Aruba Caribbean Resort & Casino cu tatraha na bienestar di comunidad a sa di organisa y realisa e proyecto pa verf Colegio Ora Ubao den apenas un siman di tempo, asina cumpliendo cu nan meta pa brinda tur e alumnonan un scol cu ta dushi pa

bishita, hunga y siña.

Aparte di un grupo grandi di boluntario di e resort cu a uni pa embecece e school, tambe a conta cu presencia di ehecutivonan halto di Hilton Worldwide cu a dedica algun ora di nan tempo na e bunita proyecto aki.

Adhunto por aprecia algun imagen di e ekipo incansabel, compaña pa Glenn Farro, Director di Recurso Humano y Gerente General di Hilton Aruba Olivier Maumaire hunto cu Tom Potter, Senior Vice Presidente pa Hilton den e area di Caribe y Latino America, Orr Rivero Vice Presidente di Recurso Humano y Sheila German Vice Presidente di Finanza pa e area. Tambe por mira algun di e caranan contento dialuna mainta tempran hunto cu cabezante di e scol, meneer Ivan Croes.





# E-mail: solodipueblo@gmail.com

## AD PATRES FUNERAL HOME

"No keda asombra pa loke mi a caba di bisa, pasobra lo yega e ora

Cu tur esnan cu ta den graf lo tende su stem.


I lo Sali afo esnan cu hasi loke ta bon pa un resureccion di bida

Esnan cu practica maldad pa un resureccion di huicio"

Juan 5:28:29

Cu profundo tristeza di nos curazon nos kier anuncia fayecimento di nos omo stima

Na edad di 80 ana



## Sr. Vicente Geerman

Mihor conoci como : Bies

\*21-01-1935 +10-10-2015

Na number di su rumannan:

Jacintha v/d Biezen y famia

+ Graciela y Pief Dania

Su subrino y subrinanan, primo y primanan

Su amigonan di cas: Frans Heyden, Jani Geerman, Edwin Werleman

Di Carlos (Calito) y Imelda (mitch) Rodriguez

Carlos y Nelly Rodriguez-Lake

Edward y Erna Rodriguez-Smith

Albert y Charlotte Rodriguez, Rosario

Robert

Natalie Werleman y osaythy Cornet

Anita Rodriguez y Paco Aleesha

Luisa Rodriguez Hernandez Pinedo

Demas famia: Geerman, v/d Biezen, Dania, Rodriguez, Werleman, Kock

Vasquez, Tromp, Lopes, Grovell, Camara, v/d Berg, Croes, Kelly, Wester, Swords, Simmon, Faro, Cornet, Heyden, Rosario, Carcia, Lake, Smith, Hernandez, Pinedo y Weller

Acto di entierro ta tuma lugar Diarazon 14 di Oktober pa 11'or di mainta na Ad Patres funeral home y despues saliendo pa Santana Centraal na Sabana Basora.

For di 9'or di mainta "Bies" lo ta reposa den Ad Patres funeral home.

Dresscode: Colornan alegre

Nos ta lamenta cu despues di entierro nos no por ricibi bishita di condolencia na cas

Nos disculpa si durante nos tristeza nos por a lubida algun miembro di famia of conocir.

SEÑOR:

Haci mi busca mas tanto pa consola cu pa ser consola; mas tanto pa compronde, cu paser comprondi; mas tanto pa stima, cu pa ser stima... pasobra ta dunando cu nos ta ricibi, ta pordonando cu nos ta haya pordon, y ta muriendo cu nos lo nace pa bida eterno.

Amen



## Francisco Edon Jong

12-10-1939- 12-10-2015

Na number di su casa : Hellen Jong

Su yiunan

†Igor Jong

Edirik, Johaddis Jong

Su nietonan:

E.J. Jong, Kyra Jong y Rayna Jong

Su rumannan:

†John Jong

†Raymond (Poy), Dora Jong

Jeanne Gauthier – Jong

Lilian Jong & famia

Su suegra: Suithbertha (Chibeta) Croes

Su sobrinonan: Clifton (Kippy) Jong & Famia, Kenneth Jon, Watti Chai

Henk Chai & famia, Henry Chai, Frank Chai y Cydric Oduber

Su sobrinanan: Gini Jong, Cisca Hernandis & famia, Marcia Eman- Chai & famia

Irene Chai & famia, Millicent Martinus Jong & famia

Su Swa y cuñanan:

Rufo, Beta Croes & famia,

†Victor (Vito) Croes & famia, Karel, Mary Croes & famia, Eti, Mario Dirks & famia, Erna, Doy Kelly & famia, Edwina Croes & famia, Rafael, Truda & famia, Ricky Croes & famia, Mirto, Dorothy & famia

Tur primo y primanan comer y comper iha su bisiña y su bon amigonan y demas famia:

Jong, Croes, Dubero, Chai, Chong, Hernandis, Schoppema, Mata, Kelly, Dirks, Bernadina, van Kessel, Sew-A-Tjon, Thijsen, Ruiz, Geerman, Croeze, Rojer, Eman, Oduber.

Acto di entierro lo tuma lugar diabierna 16 di Oktober 2015 pa 2'or pa 4'or di atardi cu un santo sacrificio di Misa na Inmaculada Concepcion na Santa Cruz Despues pa Santana Catolico na Sta.Cruz.

Ta ricibi condolencia na Aurora Funeral Home, diarazon 14 di Oktober 2015 for di 7'or pa 9'or di anochi.

Nos ta pidi nos disculpa si den nos tristeza nos por a lubida un of mas famia.

Un danki special na Dr.Yolanda Dennert, Wilhelmina Kankerfonds,

Lily Prince, Andre, Michella, Lola & Olivia

Despues di entierro no ta ricibi bishita na cas.



# Solo di Pueblo Obituario...

**"Life's race well run,  
Life's work well done,  
Life's victory won,  
Now cometh rest."**

With immense sorrow and pain in our heart, we announce the death of our beloved father:



## Roy Hamilton John

better known as: "Mr. Blues"

who passed away at the age of 69

Ex employee from Sheraton Hotel,  
Americana Hotel And Occidental Hotel

Date and Place of burial will be announced later

## Oracio di Dia

**Felis dia rumannan.**

**E Palabra di Dios semper ta un oasis pa nos bida riba e mundo aki. Cu den dianan alegre of scur ta duna oxigen na nos alma. Pesey nos mester lucha pa nos salvacion pasobra solamente esunnan cu bisti nan mes cu bon obranan y ta kita tur egoismo for di nan ta drenta pa gosa di e felicidad eterna. Nos tur ta yamá pa sirbi Dios. Pesey nos mester sinti nos yuinan di Dios pero mas ainda nos mester biba manera yuinan di Dios. Y asina un dia nos lo ta huespednan den shelo. Amen**



**Con pa  
abona na  
Solo di  
Pueblo?  
Facil...**

**Yama nos oficina**

**na 585-9500 y**

**nos lo entrega**

**bo corant tur**

**mainta tempran**

**den bo porta di**

**cas. Costo di**

**Abono: Afl. 35.00**

**pa luna**

**Tip line**

**7380101**

**solodipueblo**

**@gmail.com**



**'Ta brinda su servicio  
optimal den e momento di  
mas dificil. Nos tin un plan  
'Poco poco pero sigur  
'Ta consisti hasi un areglo  
comodo pagando poco  
poco den un forma na bo  
alcance.**

**'Tambe tin un pakete na  
un mihor prijs, Nos tey  
pabo,hasiendo un areglo  
di tres pago.**


**Cumana y Sanicolas pa mas info yama  
582-0000 of 584-8888**

## Gradicimento / Invitashon

Na nomber di su Yuinan, Ruman, Nieto(a)nan,  
Bisanieta(a)nan, Sobrino(a)nan y demas Famia,

nos kier a gradici tur famia, amigo y conocirnan pa nan  
atencion, apoyo y presencia

na fayecimento di nos Tata, Welo, bisawelo y Omo  
stima,



**Sr. Mario  
Jacob  
Danies**

Na tur esnan cu a manda flor krans y telegram.

Un Danki di curazon pa boso atencion y presencia.

Danki tambe na Aurora funeral Home pa nan atencion  
y bon servicio.

**NOS DISCULPA PA CAMBIO DI MISA:**

Pa motibo di conferencia no tin misa na Paradera.

Alavez nos kier a extende un otro invitacion pa  
2 Santo Sacrificio di Misa na: MISA FATIMA NA  
DAKOTA RIBA:

Diahuebs 15 Oct. 2015 pa 7.00 pm

MASHA DANKI PA TUR ATENCION.

**PUEBLO A HAÑA SU  
PEN BEK**

Pa kualkier informacion  
solodipueblo@gmail.com  
of  
585-9500



# Solo di Pueblo...

## KICO TA SPERA BO DESPUES DI BO MORTO FISICO?

Prome cu tur cos, un advertencia chikito: e articulo aki NO ta pa esun cu ta sali for di e suposicion cu e ta solamente su curpa; pues den caso cu su curpa muri, e – como consciencia (bewustzijn) y personalidad – tambe lo caba na nada.

Desde inicio di humanidad riba e planeta aki, hende a kibra su cabez riba e pregunta akiriba. Y durante miles di aña a inventa un cantidad grandi di contesta - uno mas fabuloso, of cruel, cu e otro. Busca 'Afterlife' den Wikipedia pa un cuadro sinoptico amplio.

Ta masha recien (desde 1970) cu científiconan, cu a studia e fenomeno Near Death Experience (Experiencia Casi Morto = ECM), a bin cu contestanan mas o menos coherente; al menos cu un inicio di contesta. Mi lo tribi awor, usando cierto bukinan (mira e lista akibow), di ofrece bo un pintura hopi general di un que otro – mientras mi ta extremadamente conciente di e hecho cu e realidad cada vez ta mucho mas complica cu nos ta pensa. Nos lo cuminsa cu e categoría mas tristo di fayecidonan. Esta, esnan cu – profundamente convenci cu ta existi nada otro cu solamente materia (pues nengando tur cos spiritual) y probablemente ni sikiera conciente cu nan a fayece, ta keda 'hang around' den nos mundo fisico; por ehemplo den nan cas – seguramente si nan tabata gusta/stima esaki grandemente. Esaki p.e. ta splika e fenomeno di casnan yen di spirito (haunted houses). E categoría di fayecidonan aki kyer sigui biba den e mundo fisico SIN tin un curpa fisico – cu tur e consecuencianan straño cu esaki por tin. Mira p.e. e siguiente programanan di television: 'A Haunting' (Historias di Ultratumba), 'My Haunted House', 'The Haunting of ...' y pelicularnan manera 'Ghost' y 'The Sixth Sense'. Seguramente den caso cu e hendenan aki durante nan bida den nos realidad tabata tin tambe un of otro adiccion, bo mester tin hopi compasion cu nan – especialmente cu nan victimanan. Pasobra cueste

loke cueste nan kyer sigui cu nan adiccion mientras cu nan NO tin un curpa fisico – y pues ta bay sinta riba of den e aura di un persona di carni y hueso (cu tin e mesun adiccion) pa di tal manera toch goza un poco di nicotina, heroína, sex, etc. Den e casonan mas serio te hasta nan lo saca e personalidad/consciencia di e victima for di su propio curpa. Anto nos ta papia e ora di un posesion completo.

A. Starr ta describi den su buki 'Prisoners of Earth' un escenario horribel di alcoholistanan 'na e otro banda-ey, pero toch akinan'. "All bars are frequented by throngs of D.E.s (decarnate entities = geesten) vainly trying to get a drink, having discovered they can't even hold a glass without a physical body. But they can assimilate the odor and emanations. Hopefully, they await a chance to enter someone's aura and really enjoy the same sensations the body feels. Some clairvoyants have actually seen this happen. One man, who was visiting a bar for research purposes, could see that all empty space up to the ceiling was crammed with desperate faces. He began to watch a certain man who appeared quite inebriated, and as he continued to drink, his aura just suddenly opened up! Then to his amazement, three or four of these hideous creatures immediately pushed their way in. As the aura closed again, several more D.E.'s attached like suction cups to the outside. The man then staggered out of the door. Our friend looked around and could see the auras of other people opening up also and D.E.'s rushing to get in."

Mas o menos un otro categoría di fayecido ta esnan cu durante nan bida na e banda aki, fanaticamente a nenga e realidad di un 'bida despues di morto', pero awor di un of otro manera a bira conciente cu nan no ta pertenece mas na e mundo fisico. Nan ta mira nan mes rondona pa un scuridad intenso. Y ta sigui tortura nan mes cu e pregunta "kiko pa hasi awor?" Seguramente

den e 'mas aya' e regla ta 'sorto ta busca sorto'. Cu otro palabra, hendenan cu un cierto sistema di norma y valor of un cierto religion, tin aya e tendencia fuerte pa busca e compañía di otro nan cu e mesun sistema di valor. Bo por imagina bo p.e. cu hendenan cu a hiba nan bida akinan na un manera masha negativo, amargá y yen di odio, na e otro banda-ey ta formando un mundo extremadamente desagradabel. Bo por imagina bo tambe cu un 'pastor' (p.e. evangelista), cu henter su bida largo a menasa e creyentenan cu fierno, diripiente por haya su mes mey-mey di nan – keriendo e ora cu verdaderamente el a yega fierno! Nos lo sigui awor cu e contestacion di e pregunta den e titulo. E proceso di muri 'ideal' conoce e siguiente fasenan. E muribundo lentamente ta tuma despedida di e dimension aki y ta prepara su mes pa muda pa e 'otro banda'. E lo haya den vez en cuando imprecionnan di e bida 'na e otro banda' – p.e. e lo experiencia momentonan clarovidente y lo mira famia y amigonan cu ya a fayece, aparece na pia di su cama; nan a bin yud'e den e proceso di transicion. Un momento decisivo den henter e proceso ta, ora diripiente bo ta haya bo mes ta zweef riba bo curpa y ta mira esaki bow di bo. Siguramente ora bo mira bo sernan queri ta yora pisá, bo mester realiza bo mes fuertemente cu bo curpa a muri. E 'bachi'-ey ta yen di buraco y no ta sirbi bo mas pa nada. Lag'e los – 'tir'e afor'! Mi no por subraya e importancia di e momento aki suficientemente; pues cu bo ta bon conciente di e hecho cu ya bo no ta existi mas físicamente.

Pasobra e hecho cu bo ta bon conciente di esaki, ta casi un 'conditio sine qua non' pa e siguiente fase; esta, cu pa e fayecido 'un tunel ta habri' y e ta drenta den dje – a veces acompaña pa su keridonan. Esnan cu ta keda atras akinan, pa mas seguridad, por bisa e fayecido pa busca y bay na e luz. Moody ta bis'e di e siguiente manera: una vez e fayecido pasa e tunel, e ta encontra

Sernan di Luz. Esakinan no ta di luz fisico (manera p.e. e luz di un bombillo); nan ta briya asina bunita y intenso cu ta parce cu nan ta penetra tur cos, incluyendo e recien fayecido – yenando esaki cu amor. Bo por describi'e como 'luz' of 'cariño' y e lo ta precisamente e mesun cos. E luz aki ta caloroso; e ta bibo y ta move.

Na dado momento lo bo topa un 'ser supremo di luz', cu ta raya un amor y comprension perfecto. Algun lo experiencia e ser aki como Dios; otro nan lo mir'e como Hesus of Buda. Ami (A.R.) ta di opinion cu pa esnan cu ta spiritualmente hopi avansa, e ser grandísimo aki di luz, ta nan propio alma. Den su presencia lo bo mira e película di bo bida. Mi kyermeen e awor literalmente: den un tempo masha halto henter bo bida ta pasa dilanti di bo wowonan. Cada detaye di bo bida lo pasa bo dilanti y bo lo experiencia nan tambe. Y lo mas peor ta, al menos pa algun di nos esaki por ta un experiencia infernal, cu bo lo sinti tambe cada dolor cu bo a ocasiona un otro personal! Awor, mi tin cu añadi aki cu esaki no mester ser interpreta na un manera absoluto – pasobra 'sinti dolor' ta keda algo hopi subjetivo. Un ehemplo: un muher ta bon enamora di un cierto homber; e ta soñando di un relacion intimo cune. Pero pa su malasuerte e homber ta dicidi di hala atras. Mesora e señora ta sinti su mes profundamente y mortalmente herida – mientras un otro muher den un caso igual pa mas tanto lo hisa su skoudernan na un manera laconico. Awor, e homber, una vez na e otro banda-ey, mester sinti tambe e dolor di e prome muher? Parse mi un poko exagera. "This life review is where you learn that 'do unto others as you would have them do unto you' is not just a philosophy, but a law" (D. Brinkley). Durante e vicisitudnan aki e Ser ta puntra e fayecido kiko bon el a hasi di su bida. E Ser ta yud'e pasa door di e resumen y tambe pa mira tur e sucesidonan den su bida den e perspectiva correcto

'Despues' di e resumen panoramico bo por pasa door di masha hopi tipo di experiencia. Nos lo menciona algun. Gran cantidad di hende lo bay pa un sorto di 'tussenstation', esta, un cierto 'lugar' di unda bo por escohe

rumbo pa destinonan mas permanente. Mi tin na vista awor loke Monroe ta yama e 'Parke' y Matthew ta yama 'Nirvana'. Esaki ta un copia no-material di nos planeta – cu tur cos cu bo por topa akinan tambe: ceronan, valle, riw, mata y bestia, pueblonan y ciudadnan grandi, etc.

Matthew ta den e dimension-ey y ta comunica cu su mama – cu ta na e banda aki – encunto tur cos. E tambe ta di opinion cu e 'lugar'-ey a ser poni den otro pa ricibi e recien fayecidonan y atende nan. E ta bisa na dado momento cu "nos por crea nos propio alrededores, incluyendo tempo (weather), pa entretene nos mes temporalmente y nos por cambia nan cuanto cu nos kyer ..... Whatever can be envisioned clearly and desired intently can be manifested here .....". Ta den e propio Nirvana aki cu e hendenan cu un ECM ta mira cas- y palacionan di glas of luz. Matthew ta bisa di e bishitantenan aki lo siguiente: "They are greeted at a special portal where the atmosphere is custom-created in accordance with their ideas of Heaven ..... That expectation may include the appearance of the founder of their religion. If so, it is achieved by holographic representation ..... The more highly spiritually evolved the visiting soul, the more factually Nirvana is presented." Pa mas seguridad Matthew ta bisa cu "there is no 'Heaven' as a placement, nor a 'hell' as such". Ami lo kyer añadi cu tur dos ta un produccion y proyeccion di bo estado mental: mas fuerte bo kere den fierno como un lugar pa castiga pecadornan, mas grandi e chens ta bira cu bo lo experiencia esey tambe.

Mi por yena e articulo aki cu mucho mas informacion, pero mi ta kere cu e redacionnan di e varios corantnan no lo gusta esey. Bo por cuminsa cu lesa e bukinan menciona akibow. E ta keda mi deseo grandi cu e articulo lo stimula bo pa studia bon mas buki encunto e tema en question

RAM